

KRESTE O SENOTSWE

LENTSWENG LA HAE KA SEBELE

 A re inamiseng dihlooho tsa rona. Morena Jesu, Modisa wa Mohlape o moholo, re na le molato o moholo ho Wena, Morena, re be re ka sitwa ho O lefa ka baka la lerato leo O le tshetseng dipelong tsa rona. Re ikutlwahaholo re se na tokelo re sa inamisa dihlooho tsa rona mme re ema boteng ba Hao. Re kopa hore O re hlatswe diphosong tsohle le sebeng sohle. Re rapela hore O tle o natlafatse mebele ya rona kajeno. Bongata bo a kula mme bo mohlomoleng, jwaloka ha ho bontshwa mona, ka diduku le dikopo tse kenang ka mohala le hohle.

² Mme re dumela hore re phethela histori ena ya lefatshe jwale, mme kapele nako e tla nyamella Bosafeleng, mme re batla ho itokisetsha hora eo. Mme ke ka hona re bokaneng mona hoseng hona, ke ho itokisetsha nako eo. Ke bolellwa ha ho ena le dikgokahano tse ngata tsa mehala hoseng hona ho phatlalla le naha, ho tloha lebopong ho ya lebopong. Hohle moo mantswa a rona a finyellang teng, sehlotshwana seo se ke se hlohonolofatswe. Fodisa bakudi ba hara bona, mme ke rapela hore O tle hlwekise meya ya bona bobeng. Mme o re thusen mona hoseng hona, tabernakeleng, le rona re tle re thabele monyetla oo o moholo.

³ Mme re O kopa ho bua le rona kajeno ka Lentswe la Hao le ngodilweng, mme Moya o ke o senole dintho tseo re di hlokang, re sa bokane ka makgalo wohle a setjhaba jwale, re utlwa re le batho ba banyenyane, empa re na le sebaka hara balopolwa, hoba re dumetse ho Jesu Kreste. Re fe dintho tsena, Morena.

⁴ Mme ha re kwala tshebeletso mme re ya malapeng a rona a fapaneng ho phatlalla le setjhaba re tle bue, jwaloka bao ba tswang Emmause, “Na dipelo tsa rona di ne di sa tjhese ka hare ho rona ha A ntse a bua le rona tseleng?”

⁵ Jwale, Ntate, ke tseba hobane seo nka se buang se ke ke sa anela ruri, e—e Bakresteng ba batle ba mametseng ho phatlalla le setjhaba jwale, se ne se sa tlo—se sa tlo anela. Seo ke se buang se ne se sa tlo thusa letho, hoba bohole re wela mokgahlelong o le mong. Re batho, batho ba buswang ke lefu. Empa Moya o Halalelang o moholo o ke o bue; A ke a tshware Lentswe mme a senole ka Boyena. Re emetse Yena jwale, Lebitsong la Jesu. Amen.

Le ka dula fatshe.

⁶ Ke batla ke...ke imakaletse. Ke itse ho mosadi wa ka, haeba a mameitse, tlase Tucson, hore ke ne ke sa nahana ho tshwara tshebeletso ya letho ha ke kgutla; mme esita le diaparo ha ke a tla le tsona. Mme ke ile ka bolella ngwetsi ya ka, o ile a sidila baki ya ka, mme ka re, "Ke tla dula ka mora sefala, ka...Ha ba tsebe hore borikgwe ke ba mofuta o mong mme le baki ke o mong." Ke tsona tseo ke neng ke di apere hae. Empa, Meda, o siditse hempe ya ka le ntho e nngwe le e nngwe, ka hona tsohle...O se ke wa tshwenyeha; ntho e nngwe le e nngwe e itokete.

⁷ Jwale, re na le kopo mona, ho na le moena ya ratehang haholo...Mme ke nahana hore—hore Prescott, ke a kgolwa, e hokantswe hoseng hona, hodimo kwana—kwana Prescott, Arizona. Ntata Kgaitsemi Mercier o ne a le tselenga tla kwano kopanong, kamoo ke utlwisisang, mme a iswa kokelong a jawa ke lefu la pelo, Moena Coggins. Mme, hape, Moena Junior Jackson, ke nahana hore o seyalemoyeng se latelang tlase, kapa fonofonong e latelang tlase Clarksville kapa New Albany, mme ntatae o kokelong, kamoo ke utlwisisang, karo e kotsi ya mofetshe sebeteng. Ka baka leo ruri re batla ho hopola bao merapeleng ya rona. Mme jwale ba bang ba teng mona, hape, empa ha re batle ho nka nako e ngata. Modimo o tseba tsohle ka bona, ka baka leo a re ba rapelleng jwale.

⁸ Modimo o ratehang, jwaloka ha monna ya ratehang, wa kgale, ya matsoho a sosobaneng, Moena Coggins, mokutla wa kgale tshimong, a se a...o robetse kokelong hoseng hona, sebakeng se seng, o tshwerwe ke lefu pelong ya hae. Modimo, pelwana ya kgale e fetile mathata a mangata. Ke a rapela, Modimo, ho mo thusa. Fana ka sena. O thabela—O rata bophelo jwalo feela kaha le rona bohle re etsa, mme o batla ho phela. Morena Modimo, fana ka sena. Re mo rapella ka Lebitso la Jesu ho phatlalla le setjhaba, hore O tle o mo fodise le ho mo ntsha. Re dumela hore O tla etsa jwalo; o tla tla hantle kopanong.

⁹ Re rapella Moena Jackson, ntatae ya ratehang o robetse mono a le ntshing tsa lefu jwale, mme o tlisitse lefatsheng moshanyana ya kgabane ya kang Junior. Ke—ke—ke a rapela, Modimo o ratehang, hore O tle mo fodise. Ke a tseba eka ke ntho e ke keng ya etswa. Borameriana, dingaka, ba—ba ha ba tsebe hore ba etseng ka bothata ba mofuta o kang oo. Empa re hopola Moena Hall, hape, etswe ngaka e kgabane ka ho fetisia mona e ne e re, kwana Louisville, ya re, "O saletswe ke dihora tse mmalwa feela tsa ho phela," ka mofetshe sebeteng. Mme kajeno o a phela, mme mono ke dilemo tse mashome a mabedi a metso e mehlano tse fetileng, ka baka la mohau wa Hao. Ka baka leo ke O rapela ho fodisa Moena Jackson kajeno, Morena, mohau wa Hao le lerekodi be le yena.

¹⁰ Mme qubuhadi ena yohle ya diduku le masela le dintho tse beilweng mona kopong; O ba tseba kaofela, Ntate. Ke O rapela ho ba fodisa bohle. Lebitsong la Jesu Kreste. Amen.

¹¹ Jwale qalong, hoseng hona, ke ne ke sa hopola ho tla, le ho qala feela, Sontaha se fetileng. Mme hape, eitse ha re e tsebisa, ka theoha. Moena Neville o ile a re ke bue! Mme yaba re tsebisa hobane kajeno re tla theoha, mme batho ba kantle naheng ha ba tsebisa. Mme re na le tsamaiso ena ya fonofono jwale, e leng e ntle, e ntle haholo. Batho ba ka dula matlung a bona hantle kapa...ho bokana dibakeng tsa bona, dikerekeng tsa bona, le jwalo-jwalo, mme ba utlwe tshebeletso. Ke ananela hono.

¹² Jwale ke bona mona ho robetse, ho bile le dikopo tse ngata bekeng ena e fetileng, mabapi le seo ke se buileng Sontaha sa ho feta Molaetseng. Ke a kgolwa ke lebetse hore ke ne ke o reile eng jwale. Empa ke buile ntho e nngwe mabapi le ho lefa melato ya lona. Mme le a tseba, ho sa tsottelehe hore o reng, bongata bo e utlwisia ka phoso. E se hobane ba...ha ba batle ho utlwisia ka phoso, empa le mpa le e utlwisia ka phoso feela.

Mme jwale motho o itse, “Na re ka reka koloi?” Kapa, “Ke loketse...”

Jwale, Jesu o ne a sa bue ka seo, kapa Bibele mono, moo ho thweng, “Le se ke la namela motho.” Ke melato eo e diehang eo o ka e lefang. E lefe. Ha ho...Ke hona ho se name ho motho ka letho. Ha e bolele...Kgele, re na le molato wa rente ya rona, molato wa fonofono, re...le eng hape. Re—re ye re be le molato wa dintho tseo, mme re a di lefa. Empa, molato wa kgale o diehang oo o ka o lefang, o lefe o qete. O a bona? Jwale, o se ke wa tsamaya ka ntho e leketileng ho wena jwalo.

¹³ Ke hopola mohla ke neng ke kula, ke sa le moshanyana. Ke tswa kokelong ke na le molato wa didolara tse dikete tse pedi. Mme ho ena le levenkele la meriana mona, Mong. Swaniger, ke namile ho yena ka didolara tse makgolo a mararo kapa a mane a didolara, molato wa meriana. Le ho ntseba a sa ntsebe. Mme monna eo...ka ya ho yena. Ke sa mo tsebe. Mme a le romela mono feela, leha ho le jwalo, a se ke a hana ho le romela. Mme ka re, “Ke na le molato ho wena.” Mme ka re...Ke a kgolwa, Swaniger...E ne e le Mong. Mason tlase Court Avenue le Spring.

Mme ka re, “Ke na le molato ho wena. Ke a—ke mpa ke sa ntse ke fokola haholo, empa ke leka ho ya mosebetsing. Jwale, ha ke sa kgone ho o lefa...” Ke sa tswa ba Mokreste. Ka re, “Ntho ya pele, Mong. Mason, jwaloka tshwanelo yaka ho Modimo, ke na le molato wa karolo ya ka ya leshome ho Yena. Ke batla ho Mo lefa karolo yaka ya leshome, pele.” Mme ka re, “Jwale tshwanelo yaka e latelang ke ho lefa melato yaka.” Ka

re, "Ntate o a kula, mme o... Mme re na le... Mme re leshome lapeng." Empa ka re, "Ke tla... Leha ke sa kgone ho o lefa disente tse mashome a mabedi molatong oo, tsatsing le leng le le leng la ho amohela; ha ke sa kgone ho o lefa le disente tse mashome a mabedi le metso e mehlano, ke tla feta ke tlo o bolella ka yona. Ke tla o bolella, 'Ke—ke—ke nke ka kgona kgetlong lena.'" Jwale, ka thuso ya Modimo, ka e lefa kaofela ha yona. Le a bona? Empa ke seo ke se bolelang, le a bona? Motho a se re feela...

¹⁴ Oh, Mokreste e mong ka tsatsi le leng mona kerekeng o ne a tswe mme a lokisa koloing mona, mme monna a theoha... Monna a re, "Ke tla o lefa. Ke amohela Moqebelo," kapa ntho e nngwe. Mme a se ke a mo lefa. Mme ha feta dibeke le dibeke, mme a se ke a mo lefa, a sa bue letho. Mme—mme monna a tla mpotsa, a re... Le a bona, ntho eo e buisa kereke hampe. E buisa Kreste hampe.

Ha o sa kgone ho mo lefa, e ya o mmolelle, e re, "Ke na le molato ho wena, mme ke tla o lefa. Ke Mokreste, empa ke—ke feela... Feel a ha ke kgone jwale, ke na le... Ke na le molato wa hona." Mme, le hopole, e dibukeng tsa Modimo hape, le a tseba, ha o etsa hono. Ka baka leo ke... Ke ntse ke leka, bakeng sa ka le bakeng sa rona bohole mmoho, ho leka ho itokisa, hoba re a tseba re ntse re atamela ntho e nngwe, haufi haholo le ntho e nngwe e tla etsahala. Ka baka leo re batla ho itokisa. Ha ho Tla ha Morena ho ntse ho atamela hakana, re batla ho itokisetsa hora eo e kgolo.

¹⁵ Jwale re batla ho itokisa le ho bua jwale ka sehlohonyana mona seo ke kgethileng ho bua ka sona hoseng hona, ka thuso ya Morena. Mme re tla bua ha kgutshwane kamoo re ka kgonang, ka baka la dikgokahano tsa batho. Ke tshepa ha lona bohole le na le... ho phatlalla le setjhaba hohle, le na le hoseng ho hotle jwaloka rona mona Indiana. Boso bo monate, bo phodileng, bo bottle boo re nang le bona ho tloha pula e nele. Mme ho hotle haholo.

¹⁶ Jwale ke batla ho bala ho tswa Bukeng ya Baheberu, kgaolo ya 1; le ho tswa Bukeng ya Mohalaledi Johanne, kgaolong ya 1. Baheberu 1:1 ho ya ho 3, le Mohalaledi Johanne 1:1, bakeng sa mohlodithero. Sehlooho sa ka hoseng hona ke ho hlahloba Mangolo. Jwale a re baleng Baheberu 1:1.

*Modimo, ha o no o buile mehleng ya kgale... mekgwa
e mengata le bontata rona ka baporofeta,*

*Empa mehleng ya ena ya qetelo o buile ho rona ka
Mora, eo o mmeileng mojalefa wa ntho tsohle, eo hape
o entseng ka yena lefatshe;*

*Yena eo e leng lehlasedi la kganya ya wona,
le... setshwantsho sa boleng ba wona, ya kakatlelang*

dintho tsohle ka lentswe la matla a hae, eitse hobane a etse hlatsuo ya dibe tsa rona, o ile ho dula ka letsohong le letona la Boholo bo hodimo;

Ke palo e ntle hakakang! Jwale Mohalaledi Johanne 1:1.

Lentswe le ne le le tshimolohong, mme Lentswe le ne le le ho Modimo, mme Lentswe e ne e le Modimo.

¹⁷ Jwale, mme sehlooho sa ka hoseng hona ke: *Kreste O Senotswe Lentsweng La Hae Ka Sebele*. Jwale, moo ke ileng ka qeta ka ho bua ka hona, ke ka hobane...Ka ho tseba ha seo re se buang re sa tshwanela ho se bua feela hoba re bokane mmoho ho bua feela ka ho tlatselela ho bueng nthong efe feela, empa ke ntho e tla thusa ho tsitsisa batho, hoba re tliro feta hara metsi a kotsi, a tshopphodi. Re se ntse re sesisa ho oona. Mme kea kgolwa ka dinako ho jwalo ka ho nna le ho lona, ekare, hangata mono, ke ntho e tshosang haholo.

¹⁸ Ke ne ke qoqa le moruti e motjha le mosadi wa hae, ka phaposing, metsotsong e mmalwa e fetileng. Mme bobedi ba bona ba tshohile jwaloka lefatshe lohle, jwaloka batho bohle lefatsheng. Ka re, “Hopolang, Satane o le beetse setebele se le tobileng.” Ha ho tsotolehe hore o mang, Modimo...O na le tokelo ya setebele seo se le seng. O kgetha seo, ho ba eng: ho foufala, kapa ho tshwarwa ke athraetese wa dula setulong, kapa ho tshwarwa ke dinerefe? Wa bona? O na le tulo kaekae moo a ka o tebelang teng. O na le tokelo sebakeng seo se bulehileng. Jwale, ke sona sebaka seo o loketseng ho dula o se sireleditse ka dinako tsohle. Mme ho bona mongwahakgolo ona wa dinerefe oo re phelang ho oona!

¹⁹ Mme diteipi tsa beke e fetileng, ke a kgolwa jwalo, di tla le senolela dintho tse kgolo tse nyarosang tseo re tla bua ka tsona le leng la matsatsi ana mohla re fumanang sebaka se lekaneng, tsa ho bulwa ha dikotsi tseo tsa ho qetela tse tla tshollelwa hodima lefatshe, Dinkgo tseo, ke rialo, tse tsholohang Dinkgong, le Diaduma tse Supileng, le dipontsho tseo tse nyarosang tse tla ba hodima lefatshe. Motho jwale, le batho kajeno, ba maemong a makakang a methapo; lefatshe lohle!

²⁰ Le badile *Reader's Digest* ya kgwedi ena e fetileng, le lemoha puo e neng e tshwerwe mono; e hodima Billy Graham, moevangedi e moholo. O ne a kgathetse hona a sa kgone ho tshwara ditshebeletso tsa hae feela, mme a—a ya tleleniking ya Mayo bakeng sa hlahlolo ya mmele. Ho se letho le phoso ka yena, haese feela hore ha a etse mosebetsi o lekaneng. Mme ba mo mathisa; tlhakiso ya mmele. O matha maele ka letsatsi.

Mme hape seratswana se tswelapele hore mahlale a pakile kajeno, hore bana ba batjha, bashanyana bana le banana, “ba se ba fihlile dilemong tsa bona tsa bohareng ba le dilemo tse

mashome a mabedi.” Mme ho mashome a mabedi le metso e mehlano, hangata, diketsahalong tse ngata, banana ba se ba fetile nako ya mosadi ya ilang, dilemong tse mashome a mabedi le metso e mehlano.

Ha ke tsebe hore le ne le tseba kapa tjhe, empa masiu a mmalwa a fetileng nakong eo Moya o Halalelang o ntseng o bua mona kopanong, ngwananyana ya neng a dutse mona, ke yona ntho e ne le phoso ka ngwana eo nakong eo a bitswang. Ka mo sheba kgetlo la bobedi, ho sheba hape, mme ka bona hore bothata e ne e le bofe. Ka nahana, “Ho ke ke ha ba jwalo; ngwana eo o sa le motjha haholo.” Empa e ne e le nako ya mosadi ya ilang, a ka ba dilemo tse mashome a mabedi, mashome a mabedi le metso e meraro, ntho e kang eo. Le a bona?

²¹ Mme wa ka le mme wa hao ba ne ba fihla dilemong tseo mohlomong ho mashome a mane le metso e mehlano ho ya ho mashome a mahlano. Mosadi wa ka o fihlile dilemong tseo mohlomong ho mashome a mararo le metso e mehlano. Jwale di theohetse ho mashome a mabedi. Mofuta wohle wa batho o bodile. E, haeba ditho tseo tsa botho ba mebele ya rona di taboha ka mokgwa oo ka baka la ho ja dijo tse tswakilweng, ditsitsipano, tse di bodisang, na hoo ha ho bodise dissele tsa boko hape? Jwale he re kgona ho bona ho tla jwang basadi ba kene seterateng, ba tsotse. Re kgona ho bona ho tla jwang ha ba jaha e—e diterateng ka dimaele tse lekgolo le mashome a mabedi ka hora, dintho tsena tsohle. Ho fihletse sebakeng moo setjhaba sohle, lefatshe lohle, e seng setjhaba sena feela, empa hohle, ba fedile mehopolong.

²² Mme hape ha re manolla dintho tseo, ha Morena a rata, hodima Dinkgo tseo tse Supileng le ho le bontsha dintho tseo tse nyarosang. Batho ba tla hlanya hona, ka mora nakwana, hoo ba tla nahana hore ba bona dikokwanyana tse lekanang le thaba ka boholo. Etlabe e le hlokofatso ho basadi; ditsie tse kgolo di tla fihla lefatsheng, di le meriri e melele, ho hlokofatso basadi ba kutang ya bona; meriri e kang ya basadi, e lepeletseng; le meno a malelele, a kang a tau; ditsenene di le mohat leng ya tsona, jwaloka phepheng, le—le jwalo-jwalo, ho hlokofatso batho hodima lefatshe. Empa mohlang oo etlabe e le morao haholo ho etsa letho ka hona. O mpe o loke esale jwale. Ho hlokofatso!

²³ Mme Sontaha sa ho feta ha re ne re kena didikadikweng tseo, mabapi le dithusakutlo tse hlano tse ka sedikeng se ka ntle. Ke motjhoporwa ho kena, dithusakutlo tse hlano mmeleng. Ho na le tsela e le nngwe feela ya ho kena mmeleng, ke ka dikutlo tseo tse hlano: bona, latswa, ama, fofonela, le ho utlwa. Ha ho mokgwa o mong hape wa ho hokahana le e—e mmele.

²⁴ Ka hara motho eo ho na le motho ya bitswang moyo, mme o na le dikutlo tse hlano: nahana, monahano . . . le monahano, le lerato, le takatso, le tse jwalo. Ke hantle.

²⁵ Jwale, o ke ke wa nahana ka mmele wa hao. O nahana ka kelello ya hao. Mme ka hare ka mono ke hona moo bongata, ba Bakreste, ba emang teng feela. Mme ba ka kgona, jwalo feela ka tlhaku e tshimong le lehola le tshimong, di ka tlotswa ke wona Moya o Halalelang oo modumedi wa sebele a tlotsitsweng ka wona.

Empa tlase ka hara ntho eo, sedikeng se latelang, sedikeng sa boraro, ke soule; mme e rerilwepele ke Modimo. Ke hona moo peo-qalo e robetseng teng, ke kahare ka mono.

²⁶ Mme, hopolang, ha nka nka hlabahlabane mme ka e bula, ka e entela pelong ya—ya koro mme ka e bea mono, ke e epele, e ne e tla bea koro ho tswa hlabahlabaneng; ho sa tsottelehe hore bokantle ke eng, hore ditshisimoho ke dife.

²⁷ Kajeno, ho ferakanwe hakana ka bopaki ba Moya o Halalelang, le jwalo. Satane a ka etsisa mofuta ofe feela wa neo eo Modimo a nang le yona, empa a ke ke a tlisa Lentswe leo, Lentswe ka Lentswe. Ke hona moo a hlollehileng teng tshimong ya Edene. Ke hona moo esale a hlolleha teng. Ke hona moo bao, teipi e mabapi le “batlotsuwa, ba bohata,” kapa batlotsuwa; ba ka tlotswa ke Moya, ho bua ka dipuo, ho hobela, ho hweletsa, ho bolela Evangedi, mme e ntse e le diabolosi.

Ke bokahare! Jwale hopolang, Jesu o boletse, “Bohle bao Ntate a Nneileng bona ba tla tla ho Nna. Ha ho ya ka tlang a sa hulwe ke Ntate wa Ka pele.”

Jwale, re ile ra feta thutong eo, ho bontsha hore ka . . . Hore o ne o le ka hara moholo-holo-holo-ntataomoholo, ho ya morao kwana, ha ho buuwa nameng. Hape, ke seo o leng sona bothong ba hao ba nama, semelong. Ka nako tse ding ngwana o tswalwa lelapeng, a le hlooho-kgubedu. Taba eo e makatsa ntate, hoba ho se motho ya mo tsebang, ho ba habo, ya hlooho-kgubedu, kapa ya mme. Empa ha o ka kgutlela morao melokong e mmalwa, o tla fumana motho e mong o ne a le hlooho-kgubedu. Peo eo e dula e ntse e theoha, mme o tla o nkile semelo sa motho e mong morao kwana.

Jwaloka ha Baheberu kgaolo ya 7 e boletse, hore, “Melkisedeke, Abrahama o Mo lefile karolo ya leshome mohla a kgutlang ho qhalanya marena. Mme Levi, ya neng a amohela karolo ya leshome, o ntshitse karolo ya leshome,” hoba o ne a le lethekeng la Melkisedeke kwana . . . kapa “lethekeng la Abrahama,” ke rialo, mohla a kopanang le Melkisedeke.

²⁸ Jwale ke ntho e le nngwe le ena. Ha o le mora Modimo, le nna ke le mora Modimo, kapa moradi wa Modimo, re ne re le ka ho Modimo tshimolohong. Mme mohla Jesu a ne a

fetoha botlalo ba Lentswe, re ne re le ka ho Yena mohlang oo, sebopethong sa lefi. Mohla A na a thakgiswa, re thakgisitswe mmeleng wa Hae. Mohla A na a tshoха bafung, re tsohile le Yena. Mme jwale, haele mona re eleletswe sena, “jwale re dutse mmoho le Yena, dibakeng tsa Lehodimo ka ho Kreste Jesu.” Le a bona? Hoba O . . . Rona, haeba re le bara le baradi ba Modimo, re bara ba Modimo, re nto ba ditholwana tsa Modimo. Mohlang oo re ne re le . . . re na le Bophelo bo sa Feleng. Mme Modimo ke bona feela Bophelo bo sa Feleng bo leng teng. Hape, re bile ka ho Yena ho tloha tshimolohong. Mme mohla Jesu a ne a fetoha Lentswe leo lohle, jwale he re ne re le karolo ya Hae mohlang oo. Amen! Ke moo he. Ha hoo ho le kahare ka mono, ha ho diabolosi, ha ho matla, ha ho letho le ka e tlosang. Ke yona tshiya ya soule e tlamellang.

²⁹ O ka tlotswa ka ntle *mona*, moyeng wona, le takatso, le ho etsa dintho tsena tsohle tse ding. Empa ha ho fihlwa tshiyeng ena e tlamellang Lentsweng leo, o ke ke wa sutha mono. E tla tshwara e tiile le ka nneta, Lentsweng leo, kamoo ho ka etswang. Ka ntle le hono, ho sa tsotellehe seo o se etsang, o sa ntse o lahlehile.

³⁰ Mongwahakgolo oo wa Phutheho ya Laodisea, “feela, foulfetse, madimabe; mme ha o tsebe.” Le a bona, ke ka ntle . . . Ke motlotsuwa eo, ya tlotsitsweng ka Moya wa nneta. Le a bona, Moya oo o Halalelang o ka tsholohela hodima motho, moyeng wa hae. Empa soule ya hae ke lefi la hae; lefi leo ke Lentswe. Le a bona? Mme kamoo . . . Ha ke tsotelle hore o ka rera hakae, hore o etsa *hona* hantle hakakang, mme o lerato hakae; ke o mong wa metjhopor e kenang moyeng. O ke ke wa rata ka mmele wa hao; o rata ka moya wa hao. Ke o mong wa metjhopor. Mme o ka rata, wa ba wa rata le Modimo, mme o ntso sa loka. O ka leleka matemona, le ho rera, mme wa etsa tsena; o ntso sa loka. Jesu o itsalo, a re ba bangata ba tla tla ho tsatsing leo. Lentswe leo le qeta tsohle!

Lentswe le ne le le tshimolohong, mme Lentswe le ne le le ho Modimo, mme Lentswe e le Modimo.

Mme Lentswe le ne le fetohе nama, mme la aha hara rona, . . .

³¹ Lemohang, ke tla bua ka temana ena ya Bibele, ya, *Kreste O Senotswe Lentsweng La Hae Ka Sebele*. Moo ke ntshitseng kakaretso ena, ke le ka phaposing yaka.

Motho e mong ya ratehang, e ka nna yaba o dutse mona hoseng hona. . . . Ke na le setshwantsho se leketlileng phaposing yaka ya ho balla hodimo mono, ke setshwantsho sa Hofmann *Hlooho ya Kreste*, se ngotsweng ho Mahlohonolo. Mme ha o fihla hantle karolong eo ekang o hloka karolo ya moriri, ba hateletse haholo ka pene ha o feta karolo eo. Mono, ke Eo moo

a leng teng, a dutse Lentsweng la Hae, a shebile hantle ka ntle; Kreste ho Mahlohonolo. Motho e mong, hore na e ne e le mang, ke o leboha haholo ka sona.

Mme motho e mong o tlisitse setshwantsho seo mme a se bea phaposing yaka ya ho balla mono, sa Elia ya nyolohang ka koloi ya mollo. Re ananela dintho tsena. Hangata, matshweleng a mangata, ha ke fumane monyeta wa ho bua le ho bolela dintho tsena, empa ke a e bona, moena, kgaitasedi. Ke—ke a e tseba, mme Modimo o a e tseba.

³² Jwale ke tla bua ka temana ena ya: *Kreste O Senotswe Lentsweng La Hae Ka Sebele*. Jwale, Mahlohonolong, ho na le setshwantsho sa Kreste se emeng, ka mokgwa oo. Ke hona moo ke ileng ka nahana ka temana ena. Jwale, Kreste le Lentswe ke ntho e tshwanang. Le a bona?

³³ Ba re, “Ho tlie jwang hore Bibele . . . ?” Batho ba rialo. Ke ne ke palame le monna nakong e seng kaalo ya ho feta. A re, “Nahana feela. Rona mona lefatsheng, kamoo re leng kateng, mme re tseba feela kapa re ka bolela feela hore re pholositswe ka ditshomo tse itseng tsa Bajode tse bitswang Bibele.”

³⁴ Ka re, “Monghadi, ha ke tsebe hore o rialo jwang, empa ha ke dumele ke ditshomo tsa Bajode,” ka rialo.

A re, “E, o a rapela, o rapela mang? Ke kopile *hore-le-hore* le dintho tse itseng; ha ke a di fumana.”

³⁵ Ka re, “O rapela hampe. Ha re a lokela ho rapela ho fetola mohopolo wa Modimo; re loketse ho rapela ho fetola mohopolo wa rona. Mohopolo wa Modimo ha o hloke ho fetolwa. Le a bona? Le a bona, o lokile.” Ka re, “Ha se seo o se rapeletseng . . . ”

Ke tseba mohlankanya wa Mokatolike, ka nako e nngwe, a ena le buka ya dithapelo, a rapela dithapelo, homme bakeng sa hore mmae a phele. Mme a shwa, yaba o lahlela buka ya dithapelo mollong. Hantle, le a bona, ha ke tsamaisane le buka ya thapelo; empa, leha ho le jwalo, le a bona, le nka maikutlo a fosahetseng. O leka ho bolella Modimo hore a etseng.

Thapelo e loketse ho ba, “Morena, mphetole ke lekane le Lentswe la Hao hantle.” Ha se, “Fetola,” ha se, “e re ke fetole mohopolo wa Hao. O fetole mohopolo wa ka.” Le a bona? “Ako fetolele mohopolo wa ka thatong ya Hao. Mme thato ya Hao e ngotswe ka hara Buka mona. Mme, Morena, o se ke—o se ke wa ntlohela ka ikela pele O e—e hlaphisitse kelello yaka jwaloka kelello ya Hao. Mme etlere ha kelello ya ka e hlomilwe jwaloka kelello ya Hao, ke moo ke tla dumela Lentswe le leng le le leng leo O le ngotseng. Mme O boletse, ka hare ka mono, O tla etsa ‘ntho e nngwe le e nngwe e sebeletse molemong’ ho ba O ratang. Mme ke a O rata, Morena. Tsohle di sebeletsa molemong.”

³⁶ Bekeng ena ke ne ke le naheng, ke dula le metswalle e meng e ratehang. Ka botsa ba bang ba bona tafoleng, maobane, ha re ntse re ja. Re ye re dule re potile mme re tshware... nthwana e kang tekolo ya Bibele. Re ne re bua ka lerato.

Mme ha ba le motho ya reng ho nna, a re, “Ke dumela hore o antikreste.”

³⁷ Ka re, “Haeba e le ntho e ka kgahlang Morena wa ka, ke seo ke batlang ho ba sona. Ke batla ho ba ntho efe feela eo A batlang hore ke be yona. Ke a Mo rata. Mme leha A ka ntahlela diheling, ke sa ntse ke tla Mo rata, leha nka ya ka wona moyo oo ke nang le wona jwale.” A ntjheba eka o maketse.

Ke bone ba bane kapa ba bahlano ba bona mono, mohlankanyana; basajana, basadi ba lokileng. Ke ne ke tseba kamoo bashanyana bao ba ratang basadi ba bona, ka hona ka re ho bona, ka re, “Mokgwa wa ho le bea tekong ke oona. Ha eba mosadi wa hao, pele le nyalana... Jwale, kgutlelang morao, a re re o... bophelo bona ba lenyalo, o ne o lora le nyalane; hantle-ntle le ne le sa nyalane, empa o lora le ne le nyalane. Mme ebe o a phaphama, mme o ye ho bua le kgarebe ya hao, le ho re, ‘O a tseba, ke lorile re nyalane, mme re na le bana. Re phela ha monate, mme—mme re emetse ho Tla ha Morena, le ntho e nngwe le e nngwe.’ Mme ebe ngwanana enwa o re ho wena, ‘O a tseba, ke rata monna e mong ho feta kamoo ke o ratang. Nka thabela monna e mong ho feta.’ Na o ne o ka kgonna, ho tsya pelong ya hao, ho mo rata hakaalo hoo o ka reng, ‘Mahlohonolo a Modimo a be le wena, moratuwa wa ka. Tsamaya le monna enwa e mong?’”

Jwale, jwale hlahlobang hono, e mong le e mong wa lona monna kapa lona basadi. Le a bona? Hantle, ha lerato la hao le fela le lokile, o ne o tla etsa hono, hoba o tsotella ditabatabelo tsa hae. Ke eng, o a tseba hore o ka mo fumana, o ka phela le yena, o... Ke mosadi wa hao; e tla ba yena. O tla mo nyala, empa a ke ka a thaba. A ka thaba haholo... Mme ka hona, ha o hlile o mo rata, jwale he o ne o tla batla hore a thabe.

Ha ho le jwalo, seo thato ya Modimo e leng sona, thato ya Modimo e ke e etswe, e leng hore ke a e thabela kapa tjhe. Ke batla ho phela ka moo A tla kgahlwa ke seo ke se etsang. Ha ho le jwalo hlahloba e—e sepheo sa hao le pheello ya hao ka hono; o tla tseba haeba o rata Modimo kapa tjhe.

Hola A ne a ka re, “O Ntshebeletsa leha Nka o lahlela kantle?”

“Ke O rata, ho le jwalo.”

³⁸ Ha ho le jwalo, hola dikereke di ne di ka bona hono mme di ka e dumela ka mokgwa oo, motho e mong a ka be a sa leke ho phamola bolo ho mothaka ya mathang ka yona. O ne

a tla sireletsa thaka leo. Le a bona? Ekare ha e le, sepheo sa makgonthe le morero, motho o ne a sa tlo re, “Hela, nna ke na le *hona!* Nna, *mona* ke nna, *mona*.” Le a bona, Modimo a ke ke a sebedisa motho. Ho na le bolekisi bo bongata bo e salang morao, mme eo ke Satane. Mme batho ha ba e elellwe. Ba leka ho hlotha bolo ho motho ya e filweng. Modimo o hlahisa molaetsa mme shebang hore o salwa morao ke ba bakae. Le a bona? Le a bona?

³⁹ Jwale, lerato la makgonthe ho Modimo, “Ho sa tsotelehe karolo eo ke leng yona, Morena, ha nka O buella ka lentswe feela, ho O thusa, a ke nke ke etse hono.” Le a bona?

Le mosadi wa hao o ne a tla etsa jwalo. Haeba o mo rata ka nnete, o a bona, ha se—ha se e—e lerato la *pheleo*; ke lerato la *Agapao*, lerato la makgonthe. O ne a ka dula le motho e mong, a thabile ho feta; hajwale ha o a nyala, hoba, o ke ke.

⁴⁰ Mme, ebile, batho ba mamelang diteipi tsena. Ba bang, ba bangata hakana, ba romela, ba re, “*Kgele, ho Lenyalo le Hlalano*, o buile *hona* mme o buile *hwane*.” Ke boletse jwalo hangata; diteipi tsena di ya feela... Ke bua le phutheho yaka, moena. Ha ke na boikarabelo hodima seo Modimo a le fang sona ho aloxa; ke jere boikarabelo ka mofuta wa Dijo tseo ke di fepang batho bana. Taba ena e bakeng sa tabernakele ena feela. Le a bona? Jwale, ha batho ba batla ho mamela diteipi, ho ho bona. Empa ke bua le bao Modimo o mphileng sona. Ke dibe tsa bona tse lebaletsweng.

Motho e mong o ngotse, mme a re, “E, ke entse *sena* mme ke entse *sane*. O itse dibe tsa rona...” Ke—ke ha ke a rialo.

Ka re, “Le shebe sena; sena se bakeng sa batho bana hantle mona, batho ka hara tabernakele mona, mohlape waka ka sebele.” Jwale, ha batho ba batla ho tswaka dijo le dintho ka ntle mono, le—le fumane tshenolo ho Modimo mme le etse seo Modimo a le bolellang ho se etsa. Ke tla etsa yona ntho e tshwanang. Empa Melaetsa ena e tobile kereke ena.

⁴¹ Lemohang jwale, re a kgutla, re loketse ho ba le ntho e nngwe e itseng eo re lokelang ho itshwarella ka yona. Ntho e nngwe e loketse ho ba tshiya e tlamellang, ka mantswe a mang, ke makgaolakgang. Mme motho ka mong o loketse ho ba le makgaolakgang kapa bonnete. Ke ile ka rera ka yona ka nako e nngwe, dilemo-lemong tse fetileng, ka bonnete, sebaka seo e leng lentswe la ho qetela.

⁴² Jwaloka molaolapapadi bolong ya maoto, ha a re ke kotlo, ke seo e leng sona hantle feela. Ha ho tsotelehe kamoo o e boneng kateng, molaolapapadi o itse ke kotlo. O re, “Ke—ke—ke... E ne e se kotlo. E fetile... ke bone ntho...” Ho sa tsotelehe keng, ha a itse, “kotlo,” ke yona, mme e fedisa eng feela. Yena, ke makgaolakgang.

⁴³ Mme lebone la sephethephethe ke makgaolakgang, ha le re, “tsamaya.” O ka re, “E bo, nna, ke potlakile, ke na le . . .” Tjhe, tjhe. Le re, “O eme tsi nakong eo thaka le leng le tsamayang.” O a bona? Ke makgaolakgang.

⁴⁴ Jwale, ho loketse ho ba le makgaolakgang nthong e nngwe le e nngwe eo le e etsang. Ho no ho loketse ho ba le makgaolakgang ha o no o kgetha mosadi wa hao. Ho no ho loketse ho ba le mosadi eo o no loketse ho mo kgetha.

⁴⁵ Jwale, ho loketse ho ba le nako moo, mohla o rekang koloi, na o tla etsa makgaolakgang a mofuta ofe. Na etlaba Ford, Chevy, Plymouth, koloi ya dinaha disele, seo e ka bang sona, o loketse ho ba le makgaolakgang.

Mme ho jwalo le ka bophelo ba Mokreste. Ho loketse ho ba le makgaolakgang.

⁴⁶ Jwale, ha motho a ka re, a ya ho motho e mong mme a re . . . a utlwa motho e mong a re, “E bo, o loketse ho kolobetswa,” mme thaka lena le eso . . . Mohlomong, ya hae, kereke e itseng e neng e sa kolobetsa; ba fafaditse feela. Kea kgolwa, ho tea mohlala, Methodise, ba kolobetsa ha ba kotjwa jwalo, kamoo ke utlwisisang. Kapa mohlomong e . . . Katolike, ke nahana ba fafatsa feela. Ka baka leo haeba—haeba motho a utlwetsa ka ho “inwa tlasa metsi,” e bo, a sa utlwisise hono; o hodisitswe e le Mokatolike. Ka baka leo o nyolohela ho moprista, mme a re, “Ntate, ke utlwisia hore re lokela ho kolobetswa ka ho inwa. Kereke ya rona e reng ka hono?”

⁴⁷ “Kgele, e re—e re re lokela ho fafatswa.” Haeba kereke eo e le makgaolakgang a hae, ho dutse ho le jwalo. Kgang yohle e fedile; kereke e itsalo, mme ke phetho.

⁴⁸ Ho ka thweng hola . . . hola moena wa Baptise a ka re utlwa re re re dumela ho kolobetswa ka ho “inwa”? O ne a tla re, “Ke dumela hono.”

“Le ka Lebitso la ‘Jesu Kreste.’”

Jwale, setho sena—sena sa kereke se kgutlela ho modisa mme se re, “Modisa, ke utlwile thaka le leng le re ho nna re loketse ho kolobetswa ka ho inwa, ke hantle, empa ka Lebitso la ‘Jesu Kreste.’”

⁴⁹ “E bo,” o ne a tla re, “jwale, a re shebe. Kgele, mona buka e re re loketse ho kolobetswa ka ho sebedisa ‘Ntate, Mora, Moya o Halalelang.’” Ha kereke eo e le makgaolakgang, ho dutse ho le jwalo. Ha a tsotelle se bolelwang ke ntho e nngwe; ke makgaolakgang a hae.

⁵⁰ E bo, phutheho e nngwe le e nngwe ya bodumedi ke makgaolakgang ho badumedi ba tsona.

Empa, ho nna, le ho bao ke tshepang hore ke ba tataiseta ho Kreste, le ka Kreste, Bibele ke makgaolakgang a rona. Ho

sa tsotelehe... Hoba, Modimo o itse, "Lentswe la motho e be leshano, mme la Ka e be Nnete." Mme ke dumela hore Bibele ke makgaolakgang a Modimo. Ho sa tsotelehe motho e mong o reng; Ke makgaolakgang.

Bibele ha se buka ya ditsamaiso. Tjhe, monghadi. Ha se buka ya merero, le jwalo ha se buka ya melao ya boitshwaro. Bibele ha se buka ya merero, merero e mengata hakana, le tse jwalo. Tjhe, monghadi. Ha se buka ya maitshwaro. Tjhe, monghadi. Ha se yona. Le jwalo ha se Yona buka ya histori, ho hang. Kapa, le jwalo ha se Yona buka ya thutamodimo. Hoba, Ke tshenolo ya Jesu Kreste.

Jwale ha le rata ho bala, lona ba tshwereng dipampiri tsa lona, ba le tshwayang, eo ke Ditshenolo 1:1 ho ya ho 3, jwaloka, Bibele ke "Tshenolo ya Jesu Kreste."

⁵¹ A re le baleng re sa na le nako. Ke dumela...ha ke na dintlha tse ngata mona ho bua ka tsona. Ha Morena a ka dieha, kgele, re tla leka ho nka ho yona.

Ke ena tshenolo ya Jesu Kreste, eo a e neilweng ke Modimo, ho tsebisa bahlanka ba hae ditaba tse tshwanetseng ho hlaha kapele; tseo a di rometseng ka lengeloi a bileng a di tshwantshetsa Johanne mohlanka wa hae:

Ya tiisitseng lentswe la Modimo, a paka le tsa Jesu Kreste, e leng tsohle tseo o di boneng.

Ho lehlohonolo ya balang, le ba utlwang ditaba tsa boporofeta bona, ba bolokang tse ngodilweng teng: hobane nako ya tsona e se e le haufi.

⁵² Ka baka leo, Bibele ke tshenolo e tletseng ya Jesu Kreste. Mme E ngotswe ke baporofeta. Baheberu 1:1, ho... "Modimo, ha O no buile hangata mehleng ya kgale le bontata rona ka baporofeta, tsatsing lena la ho qetela o bua le rona ka Mora wa Wona, Jesu Kreste," eo e neng e le baporofeta, kaofela ha bona, ba kopantswe mmoho. Jesu e ne e le Malakia; Jesu e ne e le Jeremia, Esaia, Elia. Sohle seo ba neng ba le sona, di ne di le ka ho Yena. Mme sohle seo o leng sona, le sohle seo ke leng sona, se ka ho Yena; Mantswé, dipaki tsa Lentswe.

Ka baka leo Eo ha se buka ya merero, ditaelo tsa maitshwaro a botho, le jwalo Eo ha se buka ya histori, kapa buka ya thutamodimo. Ha se yona. Empa Ke Tshenolo ya Jesu Kreste, Modimo ka Sebele a senotswe, ho tswa Lentsweng ho ya nameng. Ke seo E leng sona. Bibele ke Lentswe, mme Modimo ke nama, Modimo ho... Modimo ke Lentswe, ke rialo, mme Jesu ke nama. Ke tshenolo, ya kamoo Modimo (Lentswe) a bonahetseng nameng ya motho, le ho senolelwa rona. Mme ke ka hona E bang Mora wa Modimo; Ke karolo ya Modimo. Le a utlwisisa? Jwale, Ha se... Mmele ke karolo ya Modimo, hona hoo e leng Mora.

⁵³ Mora, jwaloka ha Makatolike a e bea, “Mora wa Bosafeleng,” le dikereke tse ding tsohle; lenseswe leo ha le etse le kelello. Le a bona? Bosafeleng bo ke ke ke ba ba teng, mme e boele e be Mora, hoba *Mora* ke ntho “e tswetsweng ke e nngwe.” Mme lenseswe Bosafeleng, Yena e ke se be Bosafe... E ka ba Mora, empa E ke se be Mora wa Bosafeleng. Tjhe, monghadi. E ke se be Mora wa Bosafeleng.

⁵⁴ Jwale, empa Ke Mora, hona hoo, hoo Lentswe lohle leo le ne le le ka ho Jeremia, ka ho Moshe, le Mantswe ao wohle, jwalokaha A boletse, “A bua ka Nna.” Tshenolo eo yohle ya nnete e Kgethehileng ya Lentswe e ne e thatetswe ka hara mmele o le mong wa motho, mme Modimo wa E apesa ka nama. Ke lona lebaka leo A bitsitsweng “Mora,” lebaka leo A reng, “Ntate.” Kgele, e bonolo, ha le ka dumella Modimo ho e tshollela kelellong ya hao. Le a bona? Modimo a senotswe mmeleng wa nama, lemhohang, ho senolwa ho tswa nameng... kapa ho tloha Lentsweng ho ya nameng. Hoo ke Mohalaledi Johanne 1:14, “Mme Lentswe la etswa nama, la aha hara rona.”

⁵⁵ Jwale lemhohang Bibebe ena. Bang ba bona ba itse, “Oh, hantle, E entse sena, E entse sane.” Empa e re ke le bolelle se seng, feela a re...

A re keneng historing ya Bibebe, motsotso feela, re bone moo E tswang teng. E ngotswe ke bangodi ba mashome a mane ba fapaneng. Banna ba mashome a mane ba ngotseng Bibebe, ka sekgala se sianang ka dilemo tse fetang sekete le makgolo a tsheletseng, le ka dinako tse fapaneng, ba lepa diketsahalo tsa bohlokwa ka ho fetisia tse kileng tsa hlaha historing ya lefatshe, mme, hangata, dilemo tse makgolo pele e etsahala. Mme ha ho phoso le e nngwe Dibukeng tsohle tse mashome a tsheletseng le metso e tsheletseng. Oh, kgidi! Ha ho mongodi ya ka tsepamang hakaalo ntle le Modimo ka Boyena. Ha ho Lentswe le le leng le thulanang le le leng.

Hopolang, dilemo tse sianang ka sekete le makgolo a tsheletseng, Bibebe e ngotswe, ho tloha ho Moshe ho fihla—ho fihla lefung la—Johanne sehlekehlekeng, kapa Sehlekehlekeng sa Patmose. Dilemo tse sekete le makgolo a tsheletseng, mme ya ngolwa ke bangodi ba mashome a mane ba fapaneng; esita le e mong a sa tsebe e mong, mme ba se na Yona mokgweng wa “Lentswe.” Ba bang ba bona ebole ha ba bona “Lentswe.” Empa ha ba ne ba E ngola, mme e utlwisiswa hore ke baporofeta, jwale he, enere ha ba kopanya diporofeto tsa bona mmoho, e mong le e mong wa bona a tlamahana le e mong.

⁵⁶ Bonang Petrose, ya tumisitseng ka Tsatsi la Pentekosta, “Bakang, e mong le e mong wa lona, mme le kolobetswe ka Lebitso la Jesu Kreste tshwarelong ya dibe tsa lona.”

Paulose a e-so utlwel letho ka Yona. A theohela Arabia dilemo tse tharo, ho bala Testamente ya Kgale, ho bona hore Topallo ena ya Mollo e buileng le yena tseleng e ne e le Mang, e re, “Saule, o Ntlhorisetsa’ng na?” O ne a ka fosa jwang? Esita le kereke a se ke a rerisana le yona ho hang.

Mme dilemo tse leshome le metso e mene hamorao, ha a kopana le Petrose, keha ba rera ntho e tshwanang, Lentswe ka Lentswe. Ke Bibebe ya rona eo. Mantswe a batho ba bang a ke a hholehe. *Mona*, ha ho motho ya ka ekeletsang Teng. Ha o ekeletse letho Bibeleng. Tjhe, monghadi. Ena ke Tshenolo e tletseng. Ke phetho.

⁵⁷ Jwaloka Ditiiso tse Supileng. “Ditiiso tse Supileng,” motho o ne a ntse a re ho nna, “jwale o tla... Morena o tla bua le wena, Moena Branham, mohla Ditiiso tsena di senolwang, mme o tla re bolella mokgwa wa ho atamela ho Modimo, le hore re ho etse jwang.”

⁵⁸ Ka re, “Tjhe, monghadi, ho ke se be jwalo. Hobane Bibebe, Ditiiso tse Supileng ho Yona di ne di patile diphiri tse supileng. Di ne di se di ngotswe, empa ba sa utlwisise hore E ne e le eng.”

Hlokomelang kamoo ba lemmeng jwalo mabapi le ntho eo, ho kolobetsa Lebitso “Jesu”; le a bona, e ne e se yona. Lebitso la “Morena Jesu Kreste”! Le a bona dintho tseo tsohle, kamoo ho bileng kateng. Hoba, hona le boJesu ba bangata; ke na le metswalla e mmalwa lefatsheng mona e bitswang “Jesu,” metswalla ya baruti. Ha se hono. Ke “Morena Jesu Kreste” wa rona.

Ha ho mongodi e mong ya neng a ka tsepama jwalo ntle le Modimo. Jwale a re boneng feela kamoo Bibebe ena e ngotsweng kateng.

⁵⁹ Jwale, a re re ho tea mohlala, ho tloha... Ha re ka ya jwale mme ra nka dibuka tsa bongaka tse mashome a tsheletseng le metso e tsheletseng tse amanang le mmele, di ngotswe ke dikolo tsa bongaka tse mashome a mane tse fapaneng, lekgolo le leshome le metso e tsheletseng... kapa di siana ka dilemo tse makgolo a leshome le metso e tsheletseng? Ke a ipotsa re be re ka fihlela neeletsano ya mofuta ofe?

Enereha, George Washington, mopresidente wa rona, dilemo tse ka bang makgolo a mabedi tse fetileng, bakeng sa pneumonia [lefu la mtshwafo—Moft.], ba ntsha lenala la hae la monwana mme ba monya paente ya madi ho yena. Hola re ne re ka nka...

⁶⁰ A re yeng pejana, ka dintho tseo re hohelwang ke tsona hakana kajeno, ke saense eo. Ha re ka nka disaense tse mashome a mane tse fapaneng, tse sianang ho tloha dilemong tse makgolo a leshome le metso e tsheletseng, mme re boneng

re ne re ka fihlela eng? Ramahlale wa Lefora, dilemong tse makgolo a mararo tse fetileng, o ile a paka ka mahlale, ka ho pitikisa bolo, hore, hola lebelo lefe feela le tshabehang le ka hodima dimaele tse mashome a mararo ka hora le ka fihlelwa, ntho eo e ne e ka phahama lefatsheng mme e we. Na le hopola ha mahlale a ka lebisa morao nthong eo? Na tswelliso ya letho e teng mono, haele moo ba kganna ba theoha seterateng, tseleng mona, ka dimaele tse lekgolo le mashome a mahlano ka hora? Le a bona? Empa a paka ka mahlale hore, kgatello ya moyo wa bolo e thethehang fatshe, hore lebelong la dimaele tse mashome a mararo ka hora, hore, ntho efe feela e ka phahama fatshe mme ya tsamaya, e ne e tla nkuwa e kene sebakeng. Tjhe, ha ho neeletsano mono.

⁶¹ Empa ha ho Lentswe le le leng Bibeleng le thulanang le le leng. Ha ho moporofeta a le mong ya kileng a thulana le e mong. Ba ne ba, e mong le e mong, ba phethahetse. Mme enere ha motho a kena mme a porofeta, mme moporofeta eo wa sebele a hlahla mme a mo phephetsa, jwale he e ne e bonahatswa. Le a bona? Le a bona? Ka baka leo Bibele ke Lentswe la Modimo, ho badumedi bohole ba nnete.

⁶² Jwale, le ne le sa tlo fihlela tsepamo hodima seo dingaka di dumellanang ka sona. Le ke ke la fihlela tsepamo ya bona jwale. Le ke se fihlele tsepamo saenseng jwale.

Jwale, le a tseba, nakwaneng e fetileng, ba ile ba re ho rona e . . . hore, “Ha Bibele e ne e re ‘a bona Mangeloi a mane a eme dikgutlong tse nne tsa lefatshe,’ hore ho ke ke ha ba jwalo. Lefatshe ke polokwe.” Empa Bibele e itse, “dikgutlo tse nne.” Hantle, jwale le bone, dibeke tse pedi tse fetileng, kapa dibekeng tse tharo tse fetileng, e se le tsona jwale, dipampiri di ne di ngotse seratswana, ba fumane hore lefatshe le kgutlonne. Ke ba bakae ba boneng hoo? Kgele, ehlide. Le a bona? Ke e kopiditse kaofela, ke emetse motho a bue taba feela.

⁶³ Mme ba tla iphumana, ka le leng la matsatsi ana, ba sa bone dilemo tse dimilione tse lekgolo le mashome a mahlano tsa sebaka sa lesedi. Ba ntse ba phethoha ba dikoloha sedikadikweng. Ke hantle haholo.

O tla fumana, le leng la matsatsi ana, ha o ya Lehodimong, ha o fofele sebakeng se seng. O sa ntse o le mona hantle, hape, feela daemensheneng [tekanyong—Moft.] e nngwe e lebelo ho feta ena.

Hantle ka hara phaposi ena ho na le mebala e fetang. Mmala ka mong, hempe, mose, ntho efe feela eo le e apereng, e hlola ka ho sa Feleng, e beilwe hantle direkotong, e potoloha ebile e potoloha lefatshe. Nako le nako ha mahlo a hao ha a panya, e rekotong hantle. Shebang, thelebeshine e tla paka hono.

⁶⁴ Ha o hlaha, Modimo o bulela rekoto. Ha e etse... O bea rekoto, e qala e sa etse lerata le le kaalo, o a tseba. Ke lesea le le nyenyane, ho fihlela le fihla nakong ya boikarabelo; eba lerata le a qala, o qala a bua dintho mme a etsa dintho tseo a lokelang ho ikarabela ka tsona. Mme ereha bophelo boo bo fela, rekoto eo kapa teipi e a ntshwa mme e bewa ka hara—ka hara laeborarihadi e kgolo ya Modimo. Jwale, o tla kgona jwang ho e phema Setulong sa Kahlolo? E boela e bapalwa hantle ka pela hao, kgato ka nngwe eo o e entseng, mohopolo ka mong oo o kileng wa feralla kelellong ya hao. Na le kgona ho bona hoo? Jwale na le kgona ho bona moo Modimo...

⁶⁵ Ke ne ke eme mona, bosiu bo bong, ho ena le motho kalaneng, e molelele, monna ya lefatla, tjaka ya mohlanka ruri, a le matla. Mme a tswa... Morena o ne a mmoleletse dintho tse ngata ka lelapa la hae le seo a loketseng ho se etsa. Mme o ile a tswa a dula fatshe. Metsotsong e mmalwa, ke mona ho fihla monna pela ka jwalo, empa o na a inamisitse hlooho. Ke sa kgone ho utlwisia, mme ke ile ka boela ka sheba monna ka ntle ka mane; mme a... E ne e se yena, hoba e ne e le ntho e nngwe e sele. Mme monna enwa, ke sa kgone ho fumana. Ka qamaka, ho ne ho se na motho ka mora ka. Ka re, "Monna eo o dutse ka mora digaretene tseo mane." Mme e ne e le... moena ya tsamayang kereke mona, e molelele, ya lefatla, tjaka ya mohlanka a dutse hodimo mono ka mokgwa oo. Mme o ne a kebisitse hlooho ya hae, a rapela, hoba a ne a le ntshing tsa lefu ke bothata ba mala.

A le mothating wa ho fumana para ya dieta. Mosadi wa hae a batla hore a fumane para e ntjha ya dieta. A re, "Tjhe, ha ke a tlameha ho di fumana, hoba nke ke ka phelela ho di rwala."

O ne a shwa. Mme o ne a dutse mono, le a bona, daemensheneng eo, alleluia, Modimo wa fihla mono feela mme wa re, "Ke eo moo a dutseng teng," a dutse kamoo a neng a dutse kateng. Le bona seo ke se bolelang?

⁶⁶ Jwale lemohang, mme ha ho phoso ya letho Mangolong. Jesu, Lentswe la Modimo, o tseba mohopolo o ka pelong. "Lentswe la Modimo le matla ho feta, le bohale ho feta," Baheberu 4:12. "Lentswe la Modimo le bohale ho feta, le matla ho feta sabole e leaditsweng ka nnqa tse pedi, mme le senola mehopolo le merero ya kelello." Le a bona? Le kena kwana tlase kelellong, mme le ntshe, le ho senola. Ho *senola* ke eng? "Ho tsebahatsa, ho senola." Mme ke sona seo Lentswe la Modimo le se etsang.

Kajeno re re, "Kereke ya Katolike ke Lentswe la Modimo; Mabaptise, Mamethodise, Mapentekosta, tabernakele." Hoo ho phoso. Lentswe ke tshenolo; Modimo, o senotsweng ke Lentswe.

⁶⁷ Tjhe, re ka be re na le...ho fumana neeletsano e itseng hara bongaka, hara boramahlale, ba fapaneng.

Hola Einstein a fumana mohopolo wa moyeng, jwalokaha a kile a fumana e—e mohopolo wa tlhaho, mohla a ithutang melao ya lesedi, le jwalo, a ka be a re boleletse ho hong. Eitse ha ke utlwa molaetsa wa hae o moholo malebana le setsi seo se seholo kae-kae mahodimong, ho re, “Hola o ka hokahana le setsi seo, o no o ka bopa mafatshe, ho etsa ntho e nngwe le e nngwe, mme e ne e tla ba matla a se nang tekanyo.” Le a bona? O ne a bone hono.

⁶⁸ Le bona dipokoto tse nyenyane tsena di feralla moyeng, tseo ba di bitsang “dipirinki,” le jwalo. Batho kamoo...Hono, hantle, re ka mpa ra tlohela taba eo. “Le utlwetse ka batho bana bohole ba ntseng ba nyamela?” le rialo. Le se ke la utlwa ka bona; ba eme mono, mme ba se ba le siyo.

Ke kamoo Thhwibilo e tla hlahateng. E mong wa bona o tla theohela fatshe hantle, mme mmele oona wa nama o tla apara mmele wa lehodimo. Mme ba tla...letlalo, moriri, kapa masapo a salang; o tla be o fetotswe ka nako le motsotso, ho theoha hantle feela sebakeng le ho nka oo ho o isa Hae. Re bona hona hohle ho tswella, mme yona—mme yona Pentagon e ipotsa ka masedi ana, le masedi a mohlolo, le ntho ka nngwe eo ba e bonang kwana—kwana sepakapakeng. Le bone moo ba neng ba katladitse le leng pampiring mona Jeffersonville vekeng ena, le jwalo-jwalo, “lesedi le mohlolo.” Ka baka leo, oh, ha ba tsebe seo e leng sona. Empa mamelang, bana, Le tla le thonaka, ka le leng la matsatsi ana. Le a bona? Le a bona? Le se tshwenyehe.

Hopolang, Jesu o itse, “Jwaloka matsatsing a Sodoma.”

⁶⁹ Ho etsahetse’ng pejana feela ho Sodoma? Modimo o ile wa theoha le Mangeloi a itseng, mme ba ka ba hlahloba kahlolong. Ha thwe, “Ke utlwile mohoo, hore sebe se tletse, se seholo haholo, ka baka leo Ke theohile ho fuputsa haeba e le nnete kapa tjhe.” Ke nnete? Hlokomela e moholo Eo ya setseng le Abraham, o ne a kgona ho lemoha mehopolo e neng e dutse pelong ya Sarah, ka mora Hae.

Jwale, qamaka ho se hokae feela o ele hloko, o a bona, hlokomela seo E se etsang, ke ntho e tshwanang kajeno. Ke hlahlobo ya kahlolo.

Kgele, ka mora nakwana, Kereke, ha E ka dula sebakeng seo, mme le peo e nngwe le e nngwe e beilwe tulong tsa yona, ba tla ikela. Ba ke ke ba tseba se ba hlahetseng mohlang oo. E mong o tla be a tsamaya ka tsela e nngwe. Le a bona? E mong o tla be a ya tlung ya moruti, mme e mong o tla be a ya mona, kapa tlase mona, le, mme ntho ya pele o a tseba, ha ba sa le yo mono. Hoba Henoke eo e neng e le papiso, “Modimo wa

mo nka, mme ha a ka a fumanwa.” Ho theoha ho hlahloba! Neeletsano, kamoo phetolelo ya Henoke, papiso. Ya Iseraele e tshediswang arekeng . . .

⁷⁰ Ka ho phethahala, Lentswe la Modimo le phethahetse hona, esita le ho fihla Testamenteng ya Kgale le e Ntjha, ke halofo tse pedi le polokwe e le nngwe. Ke hantle. Testamente ya Kgale ke halofo ya Yona, le Testamente e Ntjha ke halofo ya Yona; E kopanye mmoho, o tshwere tshenolo e tletseng ya Jesu Kreste. Baporofeta ke bao ba bua, mme ke Enwa ka Namana; le a bona, halofo tse pedi le polokwe e le nngwe e tletseng. Jwale ha re batle ho qeta haholo . . .

⁷¹ Jwale, hopolang, Testamente ya Kgale ha e a fellha ha e Ntjha e le siyo. Mme e Ntjha e ne e ke ke ya fellha ya Kgale e le siyo. Ke ka hona ke itseng halofo tse pedi, polokwe e le nngwe. Hoba, baporofeta ba itse, “O tla fihla mona! O tla fihla mona! O tla fihla mona; ba tla Mo etsa *tjena*. Ba tla Mo etsa *tjena!*” Mme ke enwa moo A leng teng, “O ne a le teng mona! O ne a le teng mona, mme ba Mo entse *tjena*, mme ba Mo entse *tjena*.” Ke rerile ka yona masiung a mmalwa a fetileng.

⁷² Jwale, ho bala Mangolo, Paulose o laile Timothea, “O Le bale, o arole Lentswe la Modimo hantle, e leng Nnnete.”

Tseo ke ditshwanelo tse tharo Lengolong. Ha le sebedisa Lentswe la Modimo, dintho di tharo tseo le sa tshwanelang ho di etsa. Jwale a re baleng dintho tseo metsotsong e leshome e latelang; dintho di tharo tseo le sa tshwanelang ho di etsa. Le hohle ka ntle naheng, hohle moo le leng teng, ho phatlalla le setjhaba, etsang bonnete ba ho kenya dintho tsena kelellong tsa lona ha le sa nka pensele. Ha le a tshwanelo ho etsa dintho tsena. Re ye re le bolella kamoo le tshwanelang ho sebetsa kateng, jwale ke le bolella seo le sa tshwanelang ho se etsa.

⁷³ Jwale, Lentswe ha le a tshwanelo ho le *hlalosa-hampe*. O re, “Be, ke dumela ha Le bolela *hona*.” Le bolela hantle feela seo Le se buang. Ha Le hloke mohhalosi. Mme Lentswe ha le a tshwanelo ho le *bea-tulong-e-phoso*. Mme Lentswe ha le a tshwanelo ho le *tshwephola-ka-phoso*. Mme ha re ka etsa e nngwe ya dintho tsena, e dihela Bibele yohle pherekonong le modubadubeng.

⁷⁴ Lemohang. Jesu ho mo hlalosa-hampe, sebopanhong sa Modimo ka ho motho, o ka Mo etsa—o ka Mo etsa Modimo o le mong hara ba bararo. Ho hlalosa Jesu Kreste hampe e le Lentswe, o ka Mo etsa Modimo o le mong hara ba bararo, kapa o ka Mo etsa Moperesone wa bobedi Bomodimong. Mme ho etsa hono, o tla senya Lengolo lohle. Ha ho moo o tla fihla teng. Ka baka leo ha Le a tshwanelo ho hlaloswa-hampe.

⁷⁵ Mme ha o bua o re ntho e itseng, o kenya hlaloso ho Lona, mme o Le sebedisetsa nako e nngwe; kapa Le sebedisetswa nako e nngwe, le mono o etsa hlaloso e sa nepang.

⁷⁶ Motho mang le mang ya hhalosang Jesu Kreste hampe ka Bibeleng, e se Modimo ka Boyena, ho Mo etsa Moperesone wa bobedi, kapa Modimo o le mong hara ba bararo, taba ena e ka ferekanya Lentswe ka leng ka hara Bibele yohle. E tla tlola molao wa pele, “O se ke wa ba le modimo o mong pela sefahleho sa Ka.” Ke hantle. E tla fetola morabe wohle wa Bakreste mphi ya barapedi ba rapelang medimo e meraro e fapaneng. Le a bona hore le tla be le tshwere Bibele ya mofuta ofe? Jwale ho ne ho tla re fetola seo Bajode ba re bolelang re le sona. Ba itse, “Hara bona Modimo wa lona ke mang?” Le a bona? Ka baka leo, le a bona, le ke ke... Ha le a tshwanelia ho hhalosa Bibebe ka phoso.

Hoba, Jesu ke mohlalosi wa Bibebe ka Boyena, ka nako ha A bonahatsa mongwaheng oo karolo e bonahatwang ya Mmele wa Hae. Ha e le mongwaha wa letsoho, eka kgona e be letsoho; e ke ke ya ba mongwaha wa hlooho. Ha e le mongwaha wa lentswe, be, jwale, e ke ke ya ba mongwaha wa leoto. Le a bona? Mme jwale re mongwaheng wa leihlo. Mme ntho e latelang jwale, ke Yena ka Boyena, ya tlang. Pono; boporofeta!

⁷⁷ Le a bona, ho theoha jwalo le mongwaha, re qadile motheong, ho tloha mongwaheng wa phutheho ya pele; mohla Peo e ne e kena fatshe, Peo e tletseng. Yaba e feta le maotong, Luthere; ya kgutla e feta e tswa hape ka Wesley; e ntano ba ho Mapentekosta, dipuo, melomong, le a bona; jwale e mahlong, boporofeta, ba Malakia 4, le jwalo-jwalo. Jwale ha ho sa na letho la yona le saletseng ho tla haese Yena ya hatang ka hara ntho eo ka Boyena, hoba ke yona ntho ya ho qetela e leng teng.

Ntho e latelang ke hlalefo, mme ha re na bohlale ba rona; ke ba Hae. Ha re na pono ya rona. Motho a ka kgona jwang ho noha dintho tseo? A ke ke a kgona. Ke Modimo ka Bowona. Le a bona, e—e fihla sebakeng. Mme ha esale A busa mmele tseleng yohle, mme ke moo Mmele o tletseng wa Kreste o senolwang sebopanheng sa Monyaduwa ya ntshitsweng lehlakoreng la Hae, jwaloka Adama ha a entse tshimolohong... jwaloka ha wa Adama a entswe, ke rialo, tshimolohong.

⁷⁸ E, “modimo,” taba ena e ne e tla kenya Bibebe yohle pherekanong, ho tlola molao wa pele, le ho etsa modimo, modimo wa boraro wa bohetene. Feela e ne e ka—feela e ne e ka sohlokanya setshwantsho sohle sa Bibebe. Ka baka leo ha le a tshwanelia ho hhalosa Bibebe ka phoso. Jwale, eo ke ntho e le nngwe feela.

⁷⁹ Hodima, Lengolo ka leng kahara Bibebe le bolokile monahano o le mong, o loketse ho Le bea tulong tsa Lona. Mme ho Le bea tulong tse phoso, le ka Mo etsa Modimo mongwaheng o mong, mme—mme mongwaheng hlahlamang o Mo etse histori, ho Le bea tulong e phoso. Ka baka leo ha o a tshwanelia ho bea Lengolo tulong e phoso. Ke Modimo ka dinako tsohle. Haeba

kajeno o Mo entse Modimo wa histori, ntho e neng e le morao kwana, mme e se Yena kajeno, o tla etsang ka Baheberu 13:8? O a bona, “Esale Yena maobane, kajeno, le ka ho sa feleng.”

⁸⁰ Jwale, ka baka leo le bona se neng se tla etswa ke sena, le seo se se entseng. Se se se entse hono, se etsa hore A latole Lentswe la Hae ka Boyena, ho bea Mangolo tulong e phoso.

⁸¹ Ho tshwephola Mangolo ka phoso, le ka kopanya mmele wa Hae ka phoso, leoto moo hlooho e loketseng ho ba teng, kapa ho hong. Ka ho tshwana feela le . . . Ka mantswe a mang, le ka etsa hore Jesu a rute molaetsa wa Moshe. Le ka etsa . . . kapa esita le Wesley a rute mongwaha wa Luther. Mohlomong hona jwale la etsa hore, mongwaha wa rona, o rute Pentekosta, molaetsa wa Pentekosta. Le bona ditshila tseo E ne e tla ba ho tsona? Pentekosta e se e bontshitse mebala ya yona. Luther o se a bontshitse ya hae, ho kena phuthehong ya bodumedi. Ya shwa hona moo hantle. Mongwaha wa fihla; ke oo o tloha.

⁸² Lemohang, hang feela hoba e hlophiswe, ya shwa. Jwale, shebang feela hore na hoo ha ho a nepahala. Shebang morao magepheng a histori. Nako le nako ha e ne e hlophisa, ya shwa hantle hona moo; yaba ha ho sa sala letho la yona. Ya fetoha e—e rapelang modimo wa lefatshe lena, mme ya kgelohela mekgeng, le mekgatlong, le phuthehong tse hlophisitsweng, le dithetsamahlo. Ha kena sekgakgatha sa boRicky ka mono mme sa hloma dikganyetso tsa bona teng, kapa ba sotetsa mehopolo ya bona ka sebele, ke rialo, teng. Mme ha etsahala’ng ka yona? Ya tlala ditshila. Sehlohlolo sa yona ke modimo wa lefatshe lena, moo ba tla hlomamisa Satane ka sebele teroneng, ba hopola hobane ba na le moetapele e moholo wa lefatshe ya tla ba tlisetsa kgotso.

⁸³ Ke le boleletse tsatsi le leng, ke tla e bua hape, hore esita le tswelopele ka boyona kajeno e thulana le Modimo ka botlalo. Tswelopele e thulana le Modimo. Thuto e hole le Yena ka dimaele tse milione; mahlale a dimaele tse milione. Mahlale le tswelopele di leka ho hanetsa Modimo, le a bona, ka dikoleshe tsa thutamodimo le dikolo, le diphaposi tsa mahlale, le jwalo. Ba fumane tshisinyeho ya bona.

Ho ka thweng ka pono ya bosiu bo bong, ya ha monna a ne a hweletsa boramahlale bao tlase mono ba tshela ntho eo ka mokgwa oo? Ba mpa ba reteleha feela ba lelala hodimo, mme ba tswela pele. Ho sa tla ba le mopalamo o mong hape.

⁸⁴ Lemohang, oh, ditshwanelo tsena tse tharo di tshwanetse ho etswa. Jwale, le ke ke . . . Jesu ha a tla a rera molaetsa wa Nohe. Ha A tla a rera molaetsa wa Moshe. Kapa, Moshe ha a tla a rera . . . Le a bona, le se ke la tshwephola Lengolo ka phoso. Le loketse ho ba nakong. Jwale, le ke ke la beella . . . Mohla monna eo e moholo, John Wesley, a ne a tswa, kapa . . .

Monna e moholo, Luther, ha Luther a ne a tswa ka molaetsa wa hae wa tokafatso. Jwale mohla e ne e le...Luther e ne e le monna e moholo. A bitsa kereke lefifing, mme a bea motheo wa tokafatso ka tumelo. Mme yare ha a etsa hono, ba haha mokgatlo ka hodima yona, mme ya shwa. Bophelo ba tsamya, jwaloka ha bo etsa ka hara tlhaka ya koro, hantle feela ho kena mongwaheng wa Wesley, ho ditjellaneng. Ho Luther ha tswa mahlaku a mang, a ileng a shwa le yona, e neng e le Zwingli, le Calvin, le ba bang bohole ba tswang ntjhafatsong eo e kgolo.

⁸⁵ Yaba ho tla Wesley, mongwaha o mong o ne o thuntse o entse tjellane. Wesley, le Attenbury, le bao bohole, le—le John le moena'e, bao bohole, banna ba baholo ba Modimo ka molaetsa, ba fiela naha feela. Ba e hlaphisa; ya shwa.

Yaba e hlaha hantle feela eka hoja e tla bea tlhaku jwale, mme, ha fihlelwa hore, e ne e le lekgapetla, Pentekosta.

Empa motsheo ka mora yona yohle, ho hlaha lehlomela le le nyenyane.

Mme le a lemotha, ka tlwaelo...ke nahana, dilemong tse ka bang tharo kapa nne hoba Luther a kene temeng, hore kereke ya Luthere e ile ya hlaphisa. Nakwana feela ka mora hoba Wesley a kene temeng, ya hlaphisa.

⁸⁶ Tucson, re bile le e—e lenaneo la kamoo kereke ya Wesley, kapa kereke ya Methodise, e hlahleng kateng. Mme eitse ha ba fihla Amerika mona, bongata ba bona ba re bo radile e—e lengolo la tumello le ntho tse jwalo, ho tswa Engelane, ho e fetisetsa ka kwano, le kamoo e ileng ya tshwantshwa kateng. Ka bona hona moo se etsahetseng. Ya shwa hona moo.

⁸⁷ E, ha nto tswa Pentekosta, bahweletsi bao morao tshiung tsa kgale tse fetileng, ba ile ba fuwa neo ya ho bua ka dipuo, mme ba qala ba bua ka dipuo. Yaba ba e bitsa, "pontsho ya Moya o Halalelang." Yaba ba etsa mokgatlo. Motho e mong o boletse ha a tla etsa *sena*, le e mong *sane*, mme ba thea ditlhahiso le ditlhahiso. E ne e tla etsa'ng? Le leng le le leng la mahlaku le ile la phuthuloha, jwaloka ha a entse tlhakeng le jwalokaha a entse tjellaneng. Ba fumana bonngwe, bobedi, boraro, le kereke ya Modimo, le ba bang bana bohole; a phutholoha feela, ho phutholoha, ho phutholoha.

Empa jwale, ho latela tlhaho, e leng mohlala o phethahetseng, o ke ke wa fumana letho ho E faposa ka thuto.

⁸⁸ Lelapa, la metswalle yaka tlase Kentucky, ba sa tswa fumana lesea le le nyenyane—nyenyane le tswalwang tsatsi le leng, mme a le teng mohla ba phehang tinare ya rona. Mme o ne a thusa kgaittsedi e mong ho phehela sekgakgatha sa rona banna ba neng ba tswile ho ya tsoma tinare. Mme yaba lesea le

a lla, mme ke ntse ke bua. Eka mme o ile a utlwa a tsieleha, ka baka leo a mathe a nke lesea, le—le ho qala ho—ho fepa thaka le le nyenyane. Ka re, “Le a tseba, ke tlhaho feela eo.” Le a bona? Jwale, le ke ke . . .

Ha ba eso fumane mokgwa o mong o molemo ho lesea ho fumana seo le se batlang haese ho se llela. Jwale, le ka le fa e—e buka ya melao ya boitshwaro, le ho dula fatshe mona ho re, “Ke batla ho o ruta thutamodimo, mora. Jwale, o se ke wa hlodiya mona jwaloka bana ba bang; o fapanes. Jwale, ha o batla ho feptjwa, o letse manyeneyene ana a manyeneyane mona.” Ha e sebetse. Tjhe, e ke ke ya sebetsa feela.

⁸⁹ Ka baka leo, ha le sheba tlhaho, jwale re bona moo mongwaha ka mong, mme ho rerilwe ka ho hlaka hore re mongwaheng wa ho qetela. Lekgapetla le qhaqhohohile. Mme re bile le dilemo tse leshome le metso e mehlano, tse ka bang mashome a mabedi jwale, dilemo, tsa Molaetsa o haolang ho tloha setjhabeng ho ya setjhabeng, mme hoseng hona o hokantswe setjhabeng sena ho phatlalla, le a bona, mme ha ho mokgatlo wa letho. O ke ke wa hlophisa. Ha ho eso be le ntho e kang oona, kapa e tla ba teng ka mora mona. Le a bona?

Ntho—ntho eo e leng taba ka Molaetsa kajeno, ke ena, bao ba O ruang dipelong tsa bona ba loketse ho robala Pontsheng ya Mora, ho butswiswa. Le a bona? Le ka nka Molaetsa, mme le ntano dumella Mora ho le apeha ho ntsha botala bohole ho lona, le a bona, ho etsa Bakreste ba phetheleng. Bona seo ke se bolelang? Modimo o tla kapele, ho amohele Kereke ya Hae, mme re tshwanetse ho ba le mofuta oo wa Bakreste hore A ba amohele. Yona—yona koro e loketse ho butswa. Ke hantle.

⁹⁰ Ditshwanelo tse tharo tsena di tshwanelo ho phethiswa. Ha le a tshwanelo ho hhalosa-hampe, kapa ho Le tshwara-hampe, ho Le hhalosa-hampe, kapa ham—...kapa ho Le tshwephola-hampe. Le tshwanetse ho bolokwa hantle feela kamoo Modimo o le boletseng le le kateng.

Lefatsheng, Ke Buka ya sephiri. Batho ba dumela ha E le Buka e mohlolo feela. Ka mohla o mong ke ne ke qoqa le monna ya tummeng motseng mona, wa seemo se seholo sa Bokreste, mme a re, “Ke ile ka leka ho bala Buka ya Ditshenolo phirimana e nngwe.” Ho re, “Johanne o loketse a ba na jele dinatifisa tsa pepere e ngata e tlabolang mme a ba le torosemaka.” Le a bona, Buka ya sephiri.

⁹¹ Empa, athe ho modumedi wa nnete, Ke tshenolo ya Modimo ya senolwang mongwaheng oo re phelang ho oona. O boletse, “Mantswe a Ka ke Moya ebile ke Bophelo.” Jesu o itsalo. Hape, “Lentswe ke Peo eo Mojadi a e jadileng.” Re a tseba hore hoo ke nnete. Ke Modimo sebopethong sa Lentswe, mme le ka hhaloswa ke yena feela ka Boyena.

Mohopolo wa motho ha o na bokgoni ba ho hhalosa mohopolo wa Modimo. Ho ka tla jwang hore mohopolonyana—nyana o fellang o hhalose Mohopolo o sa felleng, hodima re sa kgone ho hhalosa e mong mohopolo wa e mong?

⁹² Mme le lemohe, ke Yena feela Ya ka Le hhalosang, mme Yena o Le hhalosetsa eo A mo ratang. Ha E a re, “Batho ba nama ba boholoholo, enere ba sa phaila kgale lefatsheng le ka mekgwa e fapaneng.” “Modimo, O itshenoletse baporofeta ba Hae mehleng ya kgale le ka mekgwa e fapaneng.” Le a bona?

⁹³ Mme, lemohang, “Eo A batlang ho mo senolela Lona.” Mme O rerile tjena hoo A ka Ipatelang ka hara Lengolo, moithuti ya masene ka ho fetisisa wa thutaBomodimo ya leng teng. Oho, kgidi! A ka Ipata, ho dula Lengolong hantle mono, le ho sheba letshehare lohle a sa e bone; ho sheba bophelo kaofela, a sa e bone ho hang. A ka Ipata, ho dula mono.

⁹⁴ Jwale, ka kopo hle, hohle feela, a taba eo e ke e thophothele. Hore, Modimo, ka hara Lentswe, a ka Ipata tjena Lentsweng, hoo ho seng moithuti wa thutamodimo kapa sekolo se ka Mo fumanang lefatsheng le ka mohla, mme leha ho le jwalo A ntse a dutse mono hantle.

O ka re, “Na ke nnete, Moena Branham?”

Ho ka thweng ka Bafarisi le Basadusi? Ho ka thweng ka mongwaha ka mong? O e entse. Ehlide. O entse jwalo mongwaheng ka mong. Jwale re ne re ka hlahloba taba eo. A re nahaneng ka matsatsi a Nohe; mongwaha o masene, o hlalefileng, ka moo A ileng a Ipata kateng Lentsweng la Hae la tshepiso. Ka moo A ileng a Ipata kateng, matsatsing a Moshe. Ka moo A ileng A Ipata kateng, matsatsing a Elia. Ka moo A ileng a Ipata kateng, matsatsing a Jesu. “O ne a tlie lefatsheng, mme lefatshe le entswe ke Yena, mme lefatshe ha le a ka la Mo tseba. O tlie ho ba HaBo; ba HaBo ha ba ka ba Mo amohela.” Le a bona?

⁹⁵ O Ipatela ba masene ka ho feta, banna ba bohlale ka ho feta ba leng teng lefatsheng. O ka re, “Be, enwa ke Ngaka Ntate ya Halalelang *Semanya-manyane*.” Ha ke tsotelle ke mang, Modimo o Ipatela yena; le ho e senolela masea a tla ithutha, le a bona, masea a Modimo, peo e rerilweng pele.

⁹⁶ Nahanang. Modimo o Matla, o dutseng Mantsweng a Wona ka Sebele, o foufatsang ba masene, batho ba rutehileng ba mongwaha wona wa jwale, mme ha ba e bone. Ba e lekanya e le sehlopha sa bohlanya feela. Ke Eo moo a emeng a ipatetse, Mapentekosta, Mabaptise, Mamethodise, Presbeteriene. Ho Itshenola hantle pontsheng, le ho bontsha dintho tsohle tsa mefuta, esita le ho e maneha dipampiring, le dintho tse kang tseo, leha ho le jwalo ha ba e bone. Oh, Modimo wa rona, boholo bo bokaalo, ho Itshenolela eo A mo ratang.

⁹⁷ “Oh,” o re, “Moena Jones kapa Moena *Semanya-manyane*, ke—ke monna ya phahameng. O tla E bona.” Oh, lekgale. O E senolela eo A batlang ho mo senolela. Hore, “Mosadi wa ka ha a E bone, mme ke mosadi wa Mokreste.” O Itshenolela eo A mo ratang. “E, moruti wa ka ke motho ya phahameng.” Ke hantle, empa O Itshenola ho eo A mo ratang. Jwale, lhahlobang ka se senotsweng, se etsahalang, jwale o tla . . . o ka utlwisia ruri.

⁹⁸ Jwale re lemoha ke hona, hoo ho E etsa Buka ya Modimo mme e seng buka ya motho. Ha E ne e le ya motho . . . Jwale a re boneng kamoo E neng e tla Itlhalaosa kateng. Bonang kamoo e totobatsang sebe sa banna ba E ngotseng, lemohang, banna ba—ba phetseng tsatsing la Yona.

Abrahama, ho tea mohlala, o bitswa, “ntata badumedi.” Lemohang kamoo . . . Le nahana hobane Abrahama a ka be a ngotse Buka ena ka yena, ka bokwala ba hae? Le nahana o ne a ka ngola ka hore o ile a bua leshano ho morena hoseng hoo, mme a re ke kgaitsemi ya hae eo, athe e ne e le mosadi wa hae? Na E be e ka ngola ka diketso tseo a di entseng tsa bokwala ba hae? Ehlide, a ka be a sa etsa jwalo.

⁹⁹ Ka Jakobo le thetso ya hae teng? Mothetsinyana eo Jakobo e ne e le yena. Na e—e—e motho, Moheberu ya ngolang ka moenae wa Moheberu, eo ka ho yena Iseraele yohle e ileng ya bitswa, o na a ka hla a ngola ka yona thetso ya ntata setjhaba sohle? Ho Jakobo, ho tswa bapatriareka; ho bapatriareka, ho tswa meloko. Mme lejwe la motheo la ntho eo yohle, Bibele e mo pepesa jwaloka mothetsi. Na ho lokile? Le nahana batho ba ka be ba ngotse ka ntho eo? Tjhe, monghadi.

¹⁰⁰ Ho ka thweng ka monna ya ngolang ka morena e moholohadi ka ho fetisisa eo ba kileng ba mo fumana lefatsheng, e le morena ya hlomamisitsweng; Davida, ka ho etsa bohlola ba hae? Na Bajode bao ba ka be ba ngotse ka morena wa bona ya kgabane ka ho fetisisa e le sehlola?

Oh, re na le histori, e kang, “George Washington ha a eso bue leshano,” le dintho tse kang tseo. Re re, re bitsa ntho eo histori.

Empa enwa ke monna, Bibele e bitsang Davida “sehlola,” mme e ne e le sona. Morena wa Iseraele, sehlola see e ne etlaba mora . . . Jesu e ne etlaba Mora wa Davida. Lona lejwe la Sehlooho; mme Ntatae, nameng, e ne e le sehlola. Bajuda ba ne ba sa tlo ngola Buka e kang eo. Na motho a ka ngola taba tsena ka yena? Ruri le kgale.

¹⁰¹ Setjhaba seo sa Iseraele se ikgantshang se ne se ka kgona jwang? Le tseba kamoo ba ne ba ikgantsha kateng. Setjhaba se ikgantshang sa Iseraele, se tlohe mme se ngole ka tshebeletso ya sona ya medingwana, sa ngola ka borabele ba sona kgahlano le Modimo wa sona, ho ngola kgahlano le ditshila, dintho tse silafetseng tseo ba di entseng, mme ba di ngola bukeng? Ruri

ba ne ba tla di pata. Ba ne ba tla bontsha dintho tse ntle feela. Empa, Bibele ena, e bolela se lokileng le se phoso. Ke, motho e mong le e mong o a tseba hore Bajode ba ka be ba sa ngola Buka e kang eo, ka ho se hlweke ha bona ka sebele, le tshebeletso ya bona ya medingwana, le ho hloleha ha bona, le ntho e nngwe le e nngwe eo ba bileng le yona. Ba ka be ba sa ngola hono. Oh, le kgale.

Jwale he, ebe ke Mang ya E ngotseng? Bibele e boletse, ho Baheberu 1:1, “Modimo, mehleng ya kgale le ka mekgwa e fapaneng o buile le bontata ka baporofeta.” Jwale, e ne e se baporofeta, e ne e se batho ba nama. “Modimo!” E seng “baporofeta mehleng ya kgale.” Empa, “Modimo, mehleng ya kgale, ka mekgwa e mengata o buile le bontata rona ka baporofeta.”

Ke tshwere Lengolo le ngotsweng mona. Ha ke tsebe hore Ke eng; nke ke ka lebisa ho Lona. Ka tlwaelo, ha ke lebisa dinthong tsena, ke ya be ke shebile Lengolo. Ke tla le sheba motsotso feela, ha le ka ntshwarela. Ke Timotea wa Bobedi 3:16. Ke—ke—ke ne ke nahanne hore ke tla le hopola, empa ke maswabi. Ke tla ema motsotso feela ho fumana hore na ke eng.

¹⁰² “Modimo, mehleng ya boholoholo ka mekgwa e mengata ha o no buile le bontata rona ka baporofeta.”

Jwale Timothea wa Bobedi 3, 3:16. A re bone e reng ho 3:16.

*Lengolo lohle (eya) le budutsweng ke (Baporofeta)?
Tjhe)... budutsweng ke (Eng?) Moya wa Modimo, le na
le molemo wa ho ruta, le wa ho kgodisa, le wa ho laya
le wa ho hodisa ka kgolo ya ho loka:*

*Motho wa Modimo a tle a eme a phethehe, mme a
rutehele ruri mesebetsing yohle e molemo.*

¹⁰³ Ho lokile, he, Lengolo lohle le ngotswe ka tshusumetso. Jesu, mona lefatsheng, o itse mahodimo le lefatshe di tla feta, empa Lentswe la Hae le ke ke. O itse Lengolo lohle le tshwanetse ho phethwa. Ka baka leo Buka ha se buka ya dingolwa tsa batho. Ke Dibuka tsa dingolwa tsa Modimo.

¹⁰⁴ Jwale, re tseba Modimo o kgethile ka boitherelopele Kereke ya Wona, sebaka ba Wona, baporofeta ba Wona, le tsohle tse amanang le yona. Ka boitsebelope, Wa rera pele moporofeta wa Wona. Mme yare ha mongwaha o fihla, Wa fihlisa moporofeta wa Wona ka yona nako eo, le ho mo susumetsa nakong eo O ngolang Bibele ka yena. Jwale, Modimo o ngotse Bibele ka ho sebedisa moporofeta feela, hoba ke tsela ya Wona ho etsa hona. Ka baka leo, le a bona, ha se lentswe... Ka baka leo, le a bona, Ke Lentswe la Modimo, mme e seng lentswe la motho.

¹⁰⁵ Modimo ke Motho. Modimo a ka buisa. Modimo a ka bua. Modimo a ka ngola. O ne o sa tlameha ho e sebetsa jwalo,

empa ke kamoo A—A kgethileng ho e sebetsa kateng. O ne o sa tlameha ho e sebetsa jwalo, empa O kgethile ho e sebetsa jwalo. Jwale le ka re, “Modimo o ne a ngole ka monwana wa Wona, monwana wa Wona ka Sebele o tsotehang, melao e leshome. Ka baka leo Modimo o no o ka ngola, Ka boWona, ha O ne o rata.” Le a bona? Empa Wa—Wa kgetha ho E ngola ka baporofeta, le a bona. Hoba e ne e le mehopolo ya Wona, Lentswe la Wona, O ile wa hhalosa ka bona, ho etsa karolo yohle, kapa karolo ya Wona. Le a bona? O ka ngola ka monwana wa Wona. Hape o kile wa nka monwana wa Wona wa ngola maboteng a Babilona, “O beilwe sekaleng mme o fumanwe o le tjhatsti.” Wa ngola ka monwana wa Wona ka Sebele.

¹⁰⁶ Modimo o kgona ho bua. Le a dumela Modimo o ka bua? O buile le Moshe hodima thaba, sehlahleng se tukang. Le a e dumela? E, monghadi. O buile le Johanne, ka seboleho sa leeba, (le a e dumela?) ho re, “Enwa ke Mora wa Ka ya ratwang eo Ke kgahliswang ke ho dula ho Yena.” Wa bua le yena. Wa bua le Jesu Thabeng ya Phetholelo, pela Petrose, Jemesi, le Johanne. O ka bua. Ha O semumu. Modimo o ka bua. Ka baka leo O buile le—le Jesu Thabeng ya Phetholelo. Mme Wa bua le Jesu pela matshwele a maholo a batho; mohla, batho ba reng le dumme, athe e ne e le Modimo o buang le Jesu. Mme Matheu, Mareka, Luka, le Johanne kaofela, e batla e le Jesu ya buang. Ke Modimo. Ka baka leo, Modimo o ka bua.

¹⁰⁷ A nka monwana wa Hae ka Sebele a ngola lehlabatheng, tsatsi le leng. Wa bua, Wa rera, Wa porofeta, ka melomo ya Wona ka Bowona, Modimo wa etsa jwalo, mohla O nong o entswe nama mme o aha hara rona, “Modimo o bonahetseng nameng.” Ha O kgona ho ngola, ho bua, na O ke ke wa bolella ba bang hore ba etse’ng le bona? Ruri e ka etswa. O ka bua le bona, ka lentswe la motho. O ka ngola mme wa ba bontsha seo ba loketseng ho se etsa. O e entse.

Ka baka leo, “Modimo, mehleng ya kgale le ka mekgwa e mengata o buile le bontate ka baporofeta.” Mme O boletse, Mongolong wona, ho re, “Ha ho jota kapa taetlele e tla feta pele E phethwa,” mme E ntano bonahatswa; jwale he E tla feta, hoba jwale E bonahaditswe. E ke ke ya feta lekgatheng leo, e mpa e le Lentswe le entsweng nama feela ka boLona. *Jota* ke ho re “lentswe le le nyenyane.” *Taetlele* ke ho re “letshwao le le nyenyane.” Esita le letshwao le le leng, tlhahiso e le nngwe, ntho efe feela, e ka hlollehang le ka mohla Lentsweng la Modimo. Le ke ke la hlolleha, hoba Ke Modimo, Modimo o bonahetseng seboleho sa nama ya motho. Hoba, ke Modimo ka Bowona ka seboleho sa letere, seboleho sa moporofeta, ya bonahetseng nameng.

Jwale, ke ka hona Jesu a neng a ka re, “Ba buileng le lona, le ba bitsa ‘medimo,’ ba buileng le lona ka Lentswe la

Modimo,” a re, “mme ruri e ne e le medimo.” Baporofeta bao mohla ba neng ba tlotsitswe ka Moya wa Modimo, mme ba tlisa Lentswe la Modimo hantle, ke moo e neng e le medimo. Lentswe la Modimo le ne le bua ka bona. Mme ho ka . . .

¹⁰⁸ Ba kgonne feela ho hlalosa kamoo Mongodi a ba dumellang ho hlalosa. Jwale ha le batla ho fumana taba eo, ke Petrose wa Bobedi 1:20 le 21. Ho lokile. Hoba, sena, moo Modimo . . . “Ha se ka boitlhalosetso ba motho.” O Itlhalosetsa ka Boyena.

Modimo o a bua mme a E hlalose, ka Boyena, a nto e senolela eo A mo ratang, ho patela ba bang bohle. Ha A tlameha ho E senolela motho mang le mang haese ha A batla ho etsa jwalo. Mme ha A . . . Yena, Yena o hlalositse ntho ya Hae yohle Lengolong, ka baka leo ntho yohle e se e tsebahaditswe; ke feela hore O mpa dutse mono feela a e lebeletse e etsahala. Le a bona? Tjhe. Ho bona feela ha Mmele o bopjwa mme o kgutlela Teng, seboprehong, ho Monyaduwa wa Hae hape. Ho lokile.

¹⁰⁹ Badumedi ba Le dumela, jwaloka Abrahama ya bitsitseng dintho tsohle tse kgahlano le Lona jwaloka hoja e ne e le siyo.

¹¹⁰ Hape Lona, Lentswe lena, le senola merero ya dipelo, Baheberu 4:12. “Le senola merero ya pelo.”

¹¹¹ Baporofeta kamehla ba ne ba sa utlwisise seo ba neng ba se ngola kapa se ba ne ba se bua, ho seng jwalo ba ka be ba sa se bolela, hola ba ne ba ka Se utlwisia. Le a bona? Empa Bibele e itse, “Ba ne ba tsamaiswa ke Moya o Halalelang.” Ho tsamaiswa! Ha Moya o Halalelang o o tsamaisa, o a tsamaya. Monna . . . “Modimo, mehleng ya kgale le ka mekgwa e fapaneng o buile le baporofeta ba neng ba tsamaiswa ke Moya o Halalelang.” Ke ka hona, mengwaha yohle, batho bao e neng e le ba moya ba ne ba botsa baporofeta mabapi le dinako le dintho tse neng di tla hlaha.

Moporofeta-mongodi o tshwanela ho dula setswalleng sa kamehla le Mongodi. Le a bona? O tshwanetse ho phela ka phehella pela Sefahleho sa Mongodi, ho tseba seo Buka etlaba sona. Le a bona? Moporofeta-mongodi, o ne a dula a kokositse pene nako le nako, a kene setswalleng sa kamehla le Mongodi, yena e neng e le Modimo, ho ngwapa fatshe sohle seo A itseng se ngolwe. Le a bona? Ho bontsha mofuta wa bophelo oo a tshwanetseng ho . . . bophelo bo kgethehileng ho baena bohle ba hae.

¹¹² Jwale, ke ka hona moporofeta a na beile mohopolu wa hae ka ho phehella ho seo Modimo a se buileng; e seng seo motho a na se nahanne, seo mongwaha o no o se nahanne, seo kereke e ne e se nahanne, seo mmuso o no o se nahanne. Seo Modimo o no o se nahanne! A mpa a hlahisa ka Lentswe mehopolo ya Modimo, hoba lentswe ke mohopolu ha o hlahiswa. Le e fumane jwale? Lentswe ke mohopolu o hlahiswang, ka hona

moporofeta o na emetse mehopolo ya Modimo. Mme ereha Modimo a mo senolela mehopolo ya Wona, o ne a e hlahisa ka Lentswe, "HO RIALO MORENA." Le a bona, e seng, "Ho rialo nna, moporofeta." "HO RIALO MORENA!" Le a bona? Ho lokile.

¹¹³ Ke ka hona ba neng ba phephetsa mebuso le mengwaha ya dikereke, athe, ho etsa jwalo matsatsing a bona, e ne e le kahlolo ya lefu. Ha o no o tsamaela ka pela sefahleho sa morena mme o re ho yena, "HO RIALO MORENA, *ho-itsengle-ho-itseng* ho tla etsahala," o no o tla pongwa hlooho ya hao shoqo. Kereke e ne e tla o bolaya hona jwale ka ho etsa hono. Empa baporofeta bana ba ne ba le sebete. Hobaneng? Ba ne ba tsamaiswa ke Moya o Halalelang, le a bona, mme, bao, ke ka hona ba ne ba e-ba sebete. Mme ba ngotse lona—lona Lentswe la Modimo le sa tlaileng.

¹¹⁴ Ho bile le ba bangata ba ileng ba leka ho etsisa baporofeta bao, ba kang baprista, kapa ba jwalo. Mme ba ile ba etsa'ng? Ba dubakanya feela, ke phetho. Ba sa kgone ho e etsa.

Hoba, Modimo o na a kgethetse mongwaha monna, le ho kgetha Molaetsa, mme esita le semelo sa monna le se neng se tla hlaha mongwaheng oo, seo A neng a ka se bea, kamoo A na ka kgona. Ka semelo sa monna eo ya itseng, O ne a kgona ho foufatsa mahlo a ba bang. Mantswe ao monna eo a na tla bolela, kamoo a na itshwere kateng, ho ne ho tla foufatsa ba bang, le ho bula mahlo a ba bang. Le a bona? O ne a apesa monna eo ka mofuta wa seaparo seo a neng a le sona; semelo, tabatabelo, le ntho ka nngwe kamoo a neng a loketse ho ba kateng, ho kgethelwa batho bao ba itseng ka ho phethahala bao A na a tla ba bitsetsa mongwaha oo o itseng.

Nakong eo, ba bang ba emang mme ba mo sheba, ba re, "E, ha ke kgone. Ho na le...Ha ke—ke bone." Ba ne ba foufetse.

¹¹⁵ Jesu o tlie ka mokgwa o tshwanang, ho apara, Modimo o sa shweng o apere nama ya motho. Mme ka hobane A tswaletse sejelong, sejelong se tletseng moitedi, ho se moo a robatsang hlooho ya Hae teng; ho tswalwa, ka monahano, lebitso la ngwana bonyatsi le manehilwe ho Yena. Le a bona? Dintho tsena tsohle tseo A neng a le tsona le kamoo A hotseng kateng, mora wa mmetli, le kamoo A na hlokile thupello ya sekolo.

Haholo kapa bonyanne, lefatsheng, bohlale ba lefatshe lena, A le thoko ho bona. Tswelopele ena ya lefatshe, thuto, kapa ntho efe feela, A le thoko ho yona. Hobaneng? Ke Modimo. Di ne di ka thulana. Ha A na ka leka ho ya kolesheng sebakeng se seng le ho ithuta ntho e nngwe eo dikereke tsena tsa lefatshe di ne di e etsa, seo ka hara...Kgele, esita ho no sa tlo...kgele, esita ho no sa tlo...e ne e sa tlo bapana le kutlwisiso ya Hae ho hang, hoba E ne e le Modimo.

Ka baka leo, thuto, ho kena sekolo, dikoleshe, le dintho, di kgahlano le thato ya Modimo ka botlalo. Tsamaiso yohle ya thuto e kgahlano le Modimo. Ntho e nngwe le e nngwe e ruta e hulela hole le Modimo, ka nako tsohle. Ha ke utlwa monna a re ke Ngaka, Ph.D., L.L.Q., ho mmeha bohole bo bokaalo ho Modimo, ho nna. Le a bona? O mpa a ithutetse hole hakaalo ho tloha ho seo a bileditsweng ho se etsa. Ke hantle.

Lemohang kamoo ba neng ba tsamaiswa ke Moya o Halalelang.

¹¹⁶ Jwale, hoo ha ho bolele ha banna ba rutehileng ba sa kene. Bonang Paulose. Ke a kgolwa ho ne ho se thaka le hlalefileng ho feta Paulose tsatsing la hae, eo e neng e le Saule wa Taresse. A kwetliseditswe tlasa Gamaliele, e mong wa baruti ba baholo ba letsatsi; e moholo, Moheberu ya tiileng, Mofarisi ka phutheho. Mme Paulose a hodisiseditswe tlasa hae. A tseba tumelo yohle ya Bajuda. Empa eitse ha a fihla kerekeng, a re, “Ha ke a ka ka tla ho lona ka thuto ya motho, le jwalo. Hobane, hoba hola ho le jwalo, le ne le tla tshepela ho yona. Empa ke tlie ho lona ka matla le ponahatso ya Moya o Halalelang, tumelo ya lona e tle e thewe ho Modimo.” Ke lona bao. Le a bona? Ke hantle.

¹¹⁷ Ba bangata ba ile ba leka ho etsisa batho bana, empa ba dubakanya ntho yohle jwaloka ha ba etsa kajeno. Ho na le ya ileng a hlaha pele ho mehla ya Jesu, mme a kgelosa batho ba makgolo a mane. Mme le tseba kamoo Mangolo a balehang mabapi le dintho tsena, ho leka ho e etsa pele nako e fihla. Mme ba bang ba bona ba leka ho Mo etsisa, mme bohle ba le *sena*, *sane*, kapa se *seng*. Mme A re, “Matsatsing a qetelo, kamoo ba tla hlahisa boKreste ba bohata, matsatsing a qetello, le baporofeta ba bohata, mme ba tla bontsha mehlolo le meeka.” Re fumana hoo hohle. Le a bona? Empa hoo ha ho tlose ntho ya makgonthe. E etsa hore E tjahabe hantle ho feta, hoba re na le Kreste wa makgonthe, e seng wa bohata.

¹¹⁸ Jwale, jwale, re a lemohe he hore Modimo o romela baporofeta ba Wona. Ke kamoo A neng a sebetsa kateng ho tlisetsa batho Lentswe la Wona, ka melomo ya baporofeta ba Hae.

Mme le lemohe, le a tseba, Moshe o boletse, ha le batla ho le bala ho Exoda kgaolo ya 4, le temana ya 10 le ya 12. Moshe o itse Modimo o buile le yena. Modimo wa bua le motho, ho tloha molomong ho ya tsebeng. Mme a re, “Ke monna ya leleme le boima,” Moshe a rialo. “Nna, nka sitwa. Nke—nke ke ka ya.”

¹¹⁹ A re, “Ke Mang ya etseditseng motho molomo, kapa ke Mang ya mo entseng semumu? Ke Mang ya mo entseng a bone, kapa ke Mang ya mo entseng a utlwe? Na ha se Nna, Morena?” Wa re, “Ke tla dula molomong wa hao.” Le a bona? Ka baka leo . . .

¹²⁰ Mme Jeremeia a re, ha le batla ho bala hono ho Jeremia 1:6. Jeremia o boletse hore, “Modimo o beile mantswe molomong wa ka.” Le a bona? O—O buile, molomo ho ya tsebeng, le moporofeta e mong; mme wa bua ka moporofeta e mong, a se na taolo ho hang, mme wa bua ka melomo ya hae.

¹²¹ O na le mekgwa ya ho ntsha Lentswe la Wona, le a tseba. E, monghadi. Ka baka leo le a bona Bibele ke Lentswe la Modimo, e seng lentswe la motho.

Moshe o itse, “Modimo o buile le nna ka lentswe, mme ka Mo utlwa. Ka ngola seo A se boletseng.”

¹²² Jeremia o boletse, “Ke ne ke sa kgone ho bua ho hang. Mme, ntho ya pele le a tseba, melomo yaka e ne e bua, mme—mme—mme ke ne ke ngola.” Modimo wa bua ka molomo wa hae, mme ya etsahala.

Daniele, Esaia, le jwalojwalo, baporofeta bao bohle ba ne ba batla ba tshwana.

¹²³ Le a tseba, ka Testamenteng ya Kgale to, ke ka makgetlo a fetang dikete tse pedi moo baporofeta bao ba itseng HO RIALO MORENA. Jwale, ha motho a re HO RIALO MORENA, ha se motho ya buang. Ha a na a ka ho etsa, e ne e sa tlo ba moporofeta, e ka be e le moikaketsi, le a bona, hoba e ne e ke ke (lekgale) ya etsahala; monyetla o le mong makgetlong a dikete tse makgolo a leshome, le a bona, ba ka nna ba e noha. Empa ha e le HO RIALO MORENA, Morena Modimo o e buile.

Hola nka re, “Ho rialo Orman Neville”; moena ka o re, “Ho rialo Mong. Mann”; ebe ke re, “Ho rialo Moena Vayle,” ka ntle mona, kapa ba bang ba baena bana ba bang, ofe feela wa lona; ke bua seo le se boletseng. Ha ke e-na le nnete, ke bua feela seo le se boletseng.

Mme banna bana, ka ho ba baporofeta, ba itse, “Ha se nna. Ke thoko-thoko le yona, empa ke HO RIALO MORENA.” Ka hona Bibele ke HO RIALO MORENA ka baporofeta.

¹²⁴ Lemohang, ba ile ba bea Moya wa Kreste hodima bona, mme ba lepa diketsahalo tse neng di tla etsahala. Le bua ka bolepi! Ba boletse tse neng di tla etsahala ho theosa le mengwaha, ba ntse ba dutse, ba eme, ba paqame, ba tsamaya ka Moya wa Kreste hodima bona, hoo ba bileng ba itshwara jwaloka Kreste. Mme babadi ba ne ba e bala mme ba nahane hore baporofeta ba ne ba bua ka bona.

Le hopola letona mohla le ne le bala Esaia 53:1, mabapi le kamoo, hore, “Athe o hlabetswen ditlolo tsa rona, a tetekwa ka baka la makgopo a rona, kotlo e re tlisetsang kgotso e Mo wetse hodimo, mme re fodisitswe ka maqeba a Hae?” Letona la re ho Filipi, “Moporofeta o bua ka mang, ka yena kapa ka motho e mong?” Le a bona, moporofeta a bua jwaloka hola e ne e le yena.

¹²⁵ Shebang Davida ha a lla Moyeng, “Modimo wa ka, Modimo wa ka, O ntahletseng? Masapo a ka, a lepalapaleng, ho nna,” Davida. “Ba hlabile maoto a ka le diatla tsa ka,” Davida. “Ba hlabile maoto a ka le diatla tsa ka. Empa O ke ke wa tlohelwa moya wa ka diheleng, O ke ke wa lesa mokgethwa wa Hao hore a bone ho bola,” eka hola Davida a bua ka yena hore o a halalela. E ne e le Mora wa Davida, Peo eo e ya semoya e metseng, e tlang e haola le mono. Leha Davida ka boyena e ne e le hlabahlabane, empa kahare ka mono ho ne ho ena le thollo ya Koro. Le a e tshwara?

Ka baka leo, Bibebe yohle hase lentswe la motho, le jwalo E ne e sa ngolwa ke motho, ho tliswa ke motho, kapa le jwalo E ke se—e ke se senolwe ke motho. Ke Lentswe la Modimo le senotsweng ke Modimo ka Bowona, Mohlalosi wa Hae ka Sebele, Kreste a Itshenola Lentsweng la Hae ka Sebele.

¹²⁶ Bonang Kreste ya emeng motsheo mona ka ho Davida. Le jwale Davida o ne a sa kgone ho nahana. Kelello ya hae e ne e mmalehetse, kamoo ho etsahetseng. Mme O ne a leketlile sefapanong, jwaloka ha le bona sefika mona; a leketlile sefapanong, a lla, “Modimo wa Ka, Modimo wa Ka, o Ntahletse’ng? Masapo a ka wohle, a lepalapaleng ho Nna. Ba hlabile diatla tsa Ka le maoto a Ka. Ba hlabile lehlakore la Ka.” Le a bona? “O emela’ng thoko le Nna? Ke dikelwe ke dipoho tse ngata tsa Bashane. Ba oma ka dihlooho, ba re, ‘O itshepetse Modimo, hore A Mo pholose; jwale a re boneng hore O tla Mmoloka na,’” a bua mantswe ona ao.

Ka baka leo, le a bona, ha Modimo o ne o bonahatswa lefatsheng mona, O buile oona mantswe ao Davida a ntshitseng. Le a e tshwara? Ka baka leo, le a bona, Ha se lentswe la motho; ke Lentswe la Modimo. E le Modimo ka ho Davida; e ne e se Davida. A sa tsebe seo a se bolelang; a nkilwe ke Moya hona.

Ho bile jwaloka Moshe. O ile a hatjwa Moyeng, a ba a fetela kwana a tloha lefatsheng leo a neng a phela ho lona, mme a ema mono sefahleho le sefahleho, sehlahleng seo se tukang, a buisana le—le—le Modimo ka Bowona. Ha thwe, “Rola dieta tsa hao. Nqalo eo o emeng ho yona ke mobu o halalelang.”

Ekare kea bona Moshe ha a tloha mono, a nahana, “Ho etsahetse’ng? Ho hlahile’ng? E ne e le’ng?”

Ha thwe, “Tloha o theohelo Egepeta. Ke tla tsamaya le wena.”

A re, “Ho nna ke taba e tiileng haholo, ke tshwanetse ho ya.” A nka mosadi wa hae le bana ba hae...le—le ngwana wa hae, ke rialo, le molamu wa hae letsohong la hae, mme a tloseletsa a theohelo Egepeta, ho lokolla batho. Le a bona?

¹²⁷ Modimo o bua, ka Bowona, ka baporofeta. Le a bona, bao, ruri bao...Ha se baporofeta; e ne e le Modimo. Hoba, baporofeta, ka bobona, ba ne ke ke ba bua dintho tseo.

“Ke mang ya dumetseng polelo ya rona?” Ke Esaia ya buang, le a bona. “Ke mang ya dumetseng polelo ya rona? Letsoho la Morena le senotswe ho mang? O tla mela pela rona jwaloka namane ka hara—ka hara lesaka. Le ka moo, leha ho le jwalo, athe O hlabetswe ditlolo tsa rona, a tetekwa ka baka la makgopo a rona, kotlo e re tlisetsang kgotso e Mo wetse hodimo; re fodisitswe ka maqeba a Hae.” Re fodisitswe, hole mona ka mongwaheng o ka kwano mona; mme Esaia; morao kwana dilemo tse makgolo a robedi pele ho Kreste. Le a bona? “Ka maqeba a Hae re se re,” lekgathe-le-fetile, e qetilwe, “fodisitswe.” Oho, kgidi!

Ka moo, Lentswe la Modimo, le phethahetseng kateng! Tshepelang ho Lona, setjhaba. Ke yona feela ntho e ka le pholosang.

¹²⁸ Mantswe a mang wohle, ha ke tsotelle kamoo a hlomilweng ka bokgabane, kamoo, a tswa ho mang, a tswa phuthehong efe ya bodumedi, kapa hore monna eo o hlalefile hakakang, a lokela ho nyemotswa, ntho efe feela e kgahlano le Lentswe. Le batla ho ngola Lengolo leo fatshe, ke Bagalata 1:8. Le a bona? Paulose o boletse, “Leha rona, kapa Lengeloi le tswang Mahodimong, re ka bolela ntho e sele ho Ena eo le seng le e utlwile, a rohakwe.”

Ka mantswe a mang, ha Lengeloi le ka tla ho lona le tswa Lehodimong, Lengeloi le benyang le phatsimang, mme le ema le re; moshaana, e ka ba selope sa tsatsi lena, ha ho jwalo? Lengeloi le benyang le phatsimang le nyolohela mono mme le ema, mme le bolela dintho tse kgahlano le Lentswe; le re, “Satane, tloha ho nna.” Ke hantle. Ha eba e le bishopo, ha eka ba... seo a leng sona, le se dumele ho yena le ka mohla ha a sa bue ho ya ka Bibebe hantle, Lentswe ka Lentswe. Mo shebeng, o tla o tshwarella ka Bibebe jwale. O tla le nka a le ise sebakeng se itseng, mme a ntano e hokela hantle hona moo. Ha le bona Bibebe e bua ntho e nngwe, mme a e tlola, le mo hlokomele hona moo.

Le a bona, ke kamoo a sebeditseng ho Eva. O ile a theoha hantle mme a bolela ntho e nngwe le e nngwe hantle feela. “Be, Modimo o boletse *sena*. Ke hantle, Eva. Amen. Re dumela seo, mmoho.”

“Be, Modimo o boletse *sena*.”

“Amen. Re dumela seo, mmoho.”

“Modimo o boletse *sena*.”

“Re dumela seo, ehlile.”

“Be, empa Modimo o itse re tla shwa.”

¹²⁹ “Be, jwale, o a tseba hore Ke Modimo o lokileng” Ha a re A ke ke a e etsa, wa tseba. “Empa ruri . . .” Oho, bathong! Ke eo.

Mme efela haeba a thetsitse hakaalo, mme Bibebe e boletse, “Matsatsing a qetelo o tla thetsa Bakgethwa hola ke ntho e ka etswang,” re loketse re be re le hokae kajeno, metswall? Jwale, dithutonyana tsena tsa sekolo sa Sontaha di jwalo, di lokela ho kakatlewa ka hloko, le a tseba, ho ya dipelong tsa rona, ho bona . . . Re loketse ho mamedisa ka hloko le ho bona kamoo ntho eo e thetsang kateng.

¹³⁰ Lemohang, re ke ke ra kgona, ha re a tshwanela, ho mamela lentswe la motho e mong. Ha re tsotelle hore o kgabane hakakang, o rutehile hakakang. Bibebe, ho Diproverbia, e re, “Re tshwanela ho lahlela mabaka kathoko.” Le a bona? Jwale, ka hara mmuso ona wa bobedi . . .

Mmuso wa pele ke dithusakutlo tsa hao tsa ho bona, latswa, phopholetsa, fofonela, le ho utlwa. Moo ke mmeleng wa lona o ka ntle.

Mmeleng o ka hare, e leng moyo, ho na le mabaka le mohopol, le tse jwalo. Re tshwanetse ho lahlela tseo tsohle kathoko. Ho ke ke ha bewa lebaka, ho thwe, “Jwale be butleng, ha Modimo e le Modimo o lokileng . . .” Mme kajeno re bolellwa kgafetsa hore O jwalo. “Ha E le Modimo o lokileng, jwale he ha nka tshephala, leha ke sa bone taba eno e lokile ka hara Bibebe, leha nka tshephala, ke tla bolokeha.” O tla lahleha. [Sekgeo lebanteng—Mong.]

¹³¹ “Ha nka tsamaya kereke mme ka etsa dintho tseo ke dumelang hore di lokile, mme ka leka ho tiisetsa ho tseo ke nahangan hore di lokile, be, ke . . .” O sa ntse o lahlehole.

“Ho motho tsela e nngwe e ka bonahala e lokile, empa qetello ya yona ke ditsela tsa lefu.” O a bona? O ke ke wa bolokeha; o tla lahleha. O a bona? O a bona? Eka kgona ho laole Monna ya kahare eo.

¹³² “Be, ke buile ka maleme, Moena Branham. Be, ha o dumele ho buwa ka maleme, Moena Branham?” Ruri. “Be, ke hweleditse; ha o dumele teng?” E, monghadi. “Ke phela bophelo bo lokileng ba Bokreste. Ha o dumele teng?” E, monghadi. Empa le jwale hoo ha ho bolele hore o bolokehile. O motho ya lokileng; ya hlwekileng, wa mekgwa e metle, ya halalelang motho ya lokileng.

Le baprista bao ba ne ba le jwalo, ba tletse borapedi ho fihla mokong, ba tletse borapedi hoo ntho e le nngwe e sothilweng, ba ne ba tla tlapungwa ka majwe ba shwe. Kahlolo ya lefu ka baka la ho tshwenyana le Lentswe la Modimo e ne e le lefu.

¹³³ Ke yona taba ka na ha ya rona kajeno. Lebaka leo re fumanang dintho tsa mahlaku-a-hlephileng hakana kajeno lefatsheng, dikotlo ha di boima haholo. Ha monna a ka pitlwa a hwahlwaela le mosadi wa monna e mong, bobedi ba tshwanetse ho ntshetswa pontsheng ya bohole mme ba faolwe, hantle, pontsheng, mme ba nto lokollwa. Ke hantle. Ha monna a ka pitlwa a etsa ntho e phoso, a theosa ka tsela, ka lebelohadi, ha a lokelwe ke ho fuwa dilemo tse ka tlasa tse leshome; o pre-... lefu le bakilweng pele ho nako. Le a bona? Ha le diha dikotlo tse jwalo, le tla ba nyahamisa.

Empa ha radipolotiki ya itseng ya mano a ka fumana nthwana *ena* ka mona mme a e fetisa, mme a re, “Be, o ne a nwele hanyenyane, o ne a... e ne e se maike miset ho etsa hono.” Mme ho bolawe monna, mosadi, le sehlopha sa bana ba se nang molato, ho dumella Ricky eo a ho e phema, ke dipolotiki. Ke lefatshe. Ke diabolosi eo.

¹³⁴ Modimo o itse ha motho a ka pitlwa bofebeng, kapa mosadi, le ba nntshetse kantle le ba tlapunye ka majwe. Ho ne ho dutse ho le jwalo. Le a bona? Ekasita leha a pitlwa a nka boima bo kaale ka thutswana, ka tsatsi la sabata, “Mo tshwareng le mo tlapunye ka majwe.” Ba ne ba phela ka wona mehleng eo. Mme jwale, le a bona, ha re na melao e jwalo kajeno.

Empa Mokreste, kereke, eo ke buang le yona hoseng hona, molao oo wa Modimo o ka pelong ya lona. Le a bona? Ha le na takatso ya ho e etsa. O kahare ka mona. Le batla ho boloka molao wa Modimo o phethahetse. Ho sa tsotelehe hore ke eng, le batla feela ho ba... Ha-ha Modimo a hloka moseme wa monyako mono monyako, A o batla o le moseme oo wa monyako, o thaba ho ba seo. Ho sa tsotelehe see ka bang sona, o batla ho ba moseme wa monyako. Le a bona? Sohle seo Modimo a batlang o se etse, ke seo o batlang ho se etsa, hobane ke Modimo. Jwale, ke hona moo o hlileng o fumanang lerato la hao la nnete, la makgonthe, la sebele ho Modimo.

¹³⁵ Jwale re a fumana he, ho re, “Lengeloi le rerang ntho e sele,” thoko ho se...?... se boletsweng ka Bibeleng, “le rohakwe.” Ha ho motho ya ka kgonang. E ke ke ya etswa; E tshwanela ho itulela kamoo E bolelang kateng hantle.

¹³⁶ Mme re boela re bala, ho Ditshenolo 22:18 le 19, “Ekare ha motho a ekeletsa lenseswe le le leng Mona, kapa a fokotsa Lentswe ho Yona, Modimo o tla tlosa kabelo ya hae Bukeng ya Bophelo.” Ke teng. Modimo o tla tlosa kabelo ya hae, leha e ka ba moruti, seo a ka bang sona feela, mme lenseswe la hae... lebitso la hae le ngotswe Bukeng ya Bophelo. Modimo o itse, “Ke tla le hlakola,” ke hantle, “ha a eketsa ntho e le nngwe ho Yona, kapa a fokotsa Lentswe le le leng ho Yona.” Modimo o entse hore Lentswe la Wona le se tlaile hakaalo. Le a bona? Le ka ekeletsa kerekeng, kapa la tlosa kerekeng. Empa

o se leke wa ekeletsa Lentswe leo, kapa wa fokotsa ho Lona, hoba Modimo o tla hlakola lebitso la hao hantle Bukeng ya Bophelo. Mme, ke hore, ho fedile ka wena he. Le a bona? O ke ke wa ekeletsa ho Lona, kapa wa tlosa ho Lona. Ke hantle feela seo...

¹³⁷ Ha Le hloke motoloki, hoba Bibele e itse Modimo o Itlhulosetsa Bibele ka Bowona. “Ha E a tla ka boithulosetsa ba motho,” Petrose o boletse. Ho lokile.

¹³⁸ Mme Lengolo lohle le abilwe ka Kgalalelo, le hlophisisetswe ka Kgalalelo, mme ntho yohle ke tshenolo ya Jesu Kreste. Testamente e Ntjha le ya Kgale, moo ba Mmoletseng a tla tla, seo A tla se etsa ha A fihla mona, le seo A tla se etsa mongwaheng wona o nong o tla latela. Ka baka leo hoo ho Mo etsa yena maobane, kajeno, le ka ho sa feleng. Le a bona?

Jwaloka ho Baheberu mane, mohla Paulose a na e ngola. Ke Modimo, “Jesu Kreste maobane,” wa Testamente ya Kgale. Ke “Jesu Kreste kajeno,” ya bonahetseng nameng. “Mme Ke Jesu Kreste ka ho sa feleng,” Moyeng, “ya tleng.” Le a bona? Le a bona? “Yena maobane, kajeno, le ka ho sa feleng.”

Mme O phela kamehla ho phedisa Lentswe la Hae hore Le etse seo Le itseng le tla se etsatsa mongwaha oo. O a phela.

¹³⁹ O ne a phela ka Testamenteng ya Kgale, ho bonahatswa. Ke batla ha feela le ka bona nthwana e itseng mona, ha le ka e emela. Shebang, mohla Jesu a ne a bonahatswa ka hara Testamente ya Kgale, jwaloka ha re e dumela.

Jwale, lona bareri ka ntle ka mono, le ka pheha kgang ka yona, etsa seo le se batlang, empa ke buella ba ka... seo ke se nahangang. Le a bona?

¹⁴⁰ Mohla Jesu a ne a bonahatswa ka hara Testamente ya Kgale, ka mmele wa bomodimo o ka bonwang [‘theophany’—Moft], ka botho ba Melkisedeke; e seng boprista, empa Motho, Monna. Le a bona? Hoba, Monna enwa o ne a e-so tswalwe, empa O ne a le mmeleng wa bomodimo o bonwang, ka hona A se na ntate, a se na mme. E ne e le Modimo ka Bowona. A bonahetse ka sebopoho sa Monna, ya bitswang, “Morena wa Saleme, e leng Morena wa Kgotso, le Morena wa ho Loka.” Le a bona? E ne e le Melkisedeke. “Ya se nang ntate leha e le mme, le qaleho ya ditshiu kapa qetello ya bophelo.” Le a bona? E ne e le Jesu ka mmele wa bomodimo o bonwang, ka sebopoho sa Monna. Na le ka tsamaisana le hono? Ke hantle.

¹⁴¹ Yaba O etswa yona-yona nama ya motho, le ho aha hara rona, ka Botho ba Jesu Kreste ka Boyena, ya tswetsweng ke morwetsana Maria. A tla ka sebopoho seo hore A tle a shwe, mme a kgutlela Lehodimong.

Jwale matsatsing ana a qetelo, O tshepisitse ho Ipontsha ka botlalo hape, ba nama ya Hae, Moyeng. Le a bona? “Hoba

jwaloka matsatsing a Sodoma, ho tla ba jwalo ho Tleng ha Mora motho." Jwale shebang Sodoma, kamoo e neng e dutse kateng, le se ileng sa etsahala. Le Jesu Kreste ya bonahatswang ka seboleho sa mmele, wa Kereke ya Hae kajeno, le a bona, ho etsa ntho e tshwanang, mosebetsi o tshwanang, dintho tse tshwanang le tseo A di entseng ka dinako tsohle, ha e fetoha ho hang, Mohlololehi. Le a bona? Mme lefatsheng kajeno, O Iponahaditse ka hara mebele ya batho, mebele eo A e bitsitseng ya rona batho, mme wa etsa hantle kamoo A entseng mehleng ya kgale, le mehleng ya nama ya Hae lefatsheng. Mme o etsa ntho e tshwanang kajeno, hobane, "Modimo mehleng ya kgale ha o no o buile le bontate ka baporofeta, matsatsing ana a qetelo ka Mora wa Hae, Jesu Kreste." Le a bona, Mora ya senolwang matsatsing a qetelo, Modimo o bonahatswang nameng ya motho, madulo a tshwanang le a eteletseng tshenyeho ya Sodoma pele, pheletso ya lefatshe la Baditjhaba. Le a e bona?

Ho na le diponahatso tse tharo.

¹⁴² Jwale, ntho e latelang e etsahalang, ke mohla e bokellwang yohle hammoho Mothong a le mong eo, Jesu Kreste, Monyaduwa le Mmele, ho kgutleng ha Morena Jesu ka mmele. Ho phetha makgetlo a Hae a mararo... Mohla A ne a tliswa lefatsheng; ho bolawa, ho thakgisia, ho tsoswa. Ho Iponahatsa ka seboleho sa Mmele wa Hae, e leng Monyaduwa wa Hae, Mosadi. Le a e tshwara? Ke karolo ya Mmele wa Hae.

Mme mosadi le monna ba kgomarelane mmoho, hoo e kang ba... Ke ntho e le nngwe. Ba loketse jwalo, le hona. Ke bao moo ba leng teng, le a bona, ba bonahaditswe ka ho tshwana hantle feela. Ke karolo ya hae, hoba o ntshitswe ho yena.

Mme kajeno Monyaduwa o ntshitswe mmeleng wa Kreste, o a hata mme o etsa kamoo A itseng O tla etsa tsatsing lena, Monyaduwa, Mofumahadi; Morena le Mofumahadi. Ke hantle.

Re siiwa ke nako jwale, ka hona re tla tlameha ho potlaka mme re qete.

¹⁴³ Ke hantle, Bibele yohle ke tshenolo yohle ya Jesu Kreste, ho Itsebisa mongwaha o mong le o mong. O Itsebositse matsatsing a Luther, e le motheo; kereke, leoto, meomo.

Jwaloka ha A sebeditse ka Kgosi Nebukadnesare; le hopola kamoo a lorileng ditoro tseo, le ho qala hloohong ho ya tlase? Le a bona? Jwale O qala maotong ho ya hodimo. Le a bona? Mmusong wa Babilona O bontshitse tseo tsohle tsa Testamente ya Kgale, O qala hloohong ho ya tlase, A ba a theoha hofihlela Modimo ka Boyena a fetoha nama leotong la lere. Jwale ka hara Testamente e Ntjha mona, O boela a Inyolla, ho ya Hloohong hape, Hlooho ya gauta, e tla rweswa moqhaka. Le a bona? Shebang. Le a e tshwara?

Le a bona, Modimo o no o le tshimolohong, mme Wa nna wa theoha, ka baporofeta, le ho theoha jwalo, ho fihlela Modimo ka Bowona eba motho jwaloka rona, tlase kwana leotong la lere, leseanyana le tswallwang sejelong; ho hlouwa, ho nyatsuwa, ho kgeswa, le lebitso le lebe, le ntho e nngwe le e nngwe eo A neng a le yona. Yaba O qala a nyolaha, le a bona, mme ho tloha maotong A qala a haha Kereke, Monyaduwa, ho kgutla, ho kgutla jwalo; mme jwale ho kena ho Lejwesehlooho, mme e teana mmoho mme e bopa Mmelehadi o le mong o fetolwang wa Jesu Kreste.

¹⁴⁴ Modimo o senolwa mongwaheng o mong le o mong ka Lentswe la Wona la tshepiso ho mongwaha oo. Jwale ha re shebeng hore tse ding tsa ditshepiso tsa Hae tsa kajeno ke dife, re sa kwala jwale ka mantswe a mmalwa ana.

¹⁴⁵ Jwale Modimo o Itshenola nakong ya Lesedi la mantsiboya. A re boneng jwale. Re bona . . .

¹⁴⁶ Ke tshwere seholpha sa Mangolo a ngotsweng fatshe mona. Jwaloka ha le ka bona leqepheng lena, hore ke Mangolo a makae a ngotsweng mono. Empa, feela re na le metsots e ka bang leshome le metso e mehlano pele ho leshome le metso e mmedi. Ke batla ho tswa. Mme ha ke eso tjhe lentswe, hoseng hona, ka ho bua. Ka dinako tse ding difehlamoya tsena di tjhesa lentswe la ka haholo.

Ka baka leo haeba Moena Neville a sa . . . Ha o na letho bakeng sa bosiu boo? [Moena Neville o re, “Tjhe.”—Mong.] Be, be, ke tla . . . Ha ho itoketse, ke tshwere ntho e nngwe. Ke fumane sephuthelwana sa sakrete, tsatsi le leng, se robotse morung; mme ka fumana Molaetsa sephuthelong seo sa sakrete, bakeng sa bosiu bona, ha Morena a rata. Le a bona?

Ka baka leo, ke tshwere Mangolo ana mona. Mme ha ke batle ho tlola nako, e le hore le tle le kgutle.

¹⁴⁷ Phuthelwana sa sakrete, se buang. Ke hantle. Ke ne ke tsamaya merung, mme teng keha ho robetse sephuthelwana sa sakrete, mme ka tloha ke ikela. Ka nahana, “Be, motho e mong o nketeletse pele.”

Mme Ntho e nngwe ya re, “Kgutla o thonake ntho eo.”

Ka nahana, “Ke thonake sephuthelwana sa sakrete? E seng nna.”

Ntho ya re, “Kgutlela morao mme o thonake sephuthelwana seo sa sakrete.”

Mme ka theoha, ho ena le sephuthelwana sa kgale se lelea, mme ka bona ntho e nngwe. Ke tla le bolella ka yona, bosius bona, ha Morena a ratile. Ke hantle.

¹⁴⁸ Jwale re tla bua ka Masedi a mantsiboya, nakwana e seng kae feela. Bibebe e noha hore nako e tla tla, hantle mehleng

e kwalang, moo letsatsi le tla tjhaba, mme ho be le Lesedi la mantsiboya. Re tseba hoo bohle. Ha ho jwalo? Re, rona re a... Rona ba tsebisisang Molaetsa wa rona kajeno ho tswa ho Morena Jesu, re dumela hore Lesedi la mantsiboya le tla fihla. Mme Lesedi lena la mantsiboya...

Ehlide bo, Lesedi le leholo le tla hlaha mohla Jesu a bonahatswang lefatsheng mona ka Boyena, kapa hodimo Mahodimong, ha a nka Monyaduwa wa Hae a mo tlosa, mme ho ntoo kena Dilemo tse Sekete.

¹⁴⁹ Empa re feta ho e nngwe ya dinako tse nyarosang, e kileng ya tobana le bana ba batho. Mme ke lebeletse ho fihla ha hora eo feela, mme mohla re fumanang... motho mang la mang a fumanang monyetla wa ho tjhaisa mosebetsing le ho qeta matsatsi a mmalwa, mme re dule sebakeng se itseng moo nka buang ka Dikotsi tseo le dintho tse tla theoha matsatsing a qetelo; le ho teanya diveke tse pedi kapa tse tharo mmoho, le ho kopanya ntho eo mmoho, ha Morena a ntumella ho phela hofihlela ke e etsa mme a ntshusumetsa ho etsa jwalo, ho bona kamoo dintho tseo di tla dihelwa ka hare, le Diaduma tseo. Ke moo le tla fumana seo monna eo le batho bao ba neng ba ntse ba lora ka sona, le dintho tsena tsohle mono, se tla etsahala; le a bona, le tla lemoha hore dintho tseo di senotse eng, seaduma se seholo seo se tswang—se tswang dibakeng. Jwale, ehlide, bongata ba lona bohle, bo a tseba hobane ke tseba hore seo—seo se bolelang, le a bona. Mme, empa a re emeng hofihlela nako eo e fihlile, le a bona, ho hlaha ha yona, le a bona, jwale, mme etlabe e le sehleng ho feta-feta.

¹⁵⁰ Jwale, ka hona re tla bala ana—ana Mangolo a mmalwa ka hare mona. Jwale, nako ya ho fihla ha Masedi a mantsiboya, jwale, re a lemoha hore eka kgona ebe lona Lesedi le neng le le hoseng.

Hoba, ha ho letsatsi le leng hoseng le letsatsi le leng thapama. Ke letsatsi le le leng. Lona letsatsi la thapama ke la hoseng; ke lona la hoseng jwaloka la thapama.

Jwale, E boletse, “Letsatsi leo ka bolona,” letsatsi le pakeng tsa nako eo, “le tla ba jwaleka, oh, eka le rothofetse, tsatsi le lefifi. Ho ke ke ha thwe ke motshehare kapa bosiu, dipakeng tsa hono.”

¹⁵¹ Le a bona, ke popo ya Mmele, ho qala maotong, ho nyoloha. Mohla A ne a le lefatsheng mona, E ne e le Mora, Lesedi, yaba O a bolawa. Kereke e ile ya nka tulo tsa Hae, ha nto kena bashwelatumelo mme ya feta Mengwaheng e Lefifi, le ho qala ho haha hodima motheo ho tswa jwalo. Jwale ebe pono e tswa kae? Hodimo hlorong ya hlooho.

Le bona pono eo; Nebukadnesare? Ho Mmona a theoha, ho qala tshimolohong ya mongwaha wa Baditjhaba pele Madi a

tshollelwa bona mme a etswa pheko. E ne e le baproselite ba kentsweng. Empa lemohang se ile sa theohela hantle, ho theoha hantle, ho theohela hantle maotong, papisong, le a bona, ho se theola.

Yaba se qala hape se kgutla, ho kgutla, Kereke e kgutla e tswa maotong, ho nyolohela hodimo. Jwale e nakong—nakong ya hlooho. Jwale hlokamelang Lesedi.

¹⁵² O ke ke wa bona ka matsoho a hao, leha kwana e le karolo ya mmele. O ke ke wa bona ka ditsebe tsa hao, leha kwana e utlwa. O ke ke wa bona ka nko ya hao, leha kwana e fofonela. O ke ke—o ke ke wa bona ka melomo, leha e bua; o a bona, oo e ne e le mongwaha wa Pentekosta. Empa jwale ke nakong ya leihlo, pono. O a bona? Jwale, ka nnqane ho leihlo ha ho na sa karolo e sisinyehang. Na ho jwalo?

Ntho e latelang ke bohlale, e leng Kreste ka Boyena, Ya laolang Mmele wohle.

Ha ho motsamao, motsamao ka morao ho moo. Le a bona? Ntho e nngwe le e nngwe e sa le e tsamaya. Le a bona? Tsamaisang maoto a lona, tsamaisang mesifa ya lona meomong ya lona, tsamaisang ntho e nngwe le e nngwe. Tsamaisang ya lona... Ditsebe tsa lona di ka tsamaya, nko tsa lona, melomo ya lona, le dintho tse jwalo. Empa ka morao ho mahlo a lona, ha ho letho le tsamayang.

Ke ka hona ba reng monna o phumuha lefatla kapele, hobane, le a bona, ha ho hlakiso e hodisang mesifa e—e moriring, letlalang la hlooho. Le a bona? Mme ha le na mosangwana o dumellang madi ho nyolohela mono. Madi ha a kgone ho fepelwa a feta le moo, le a bona, a ke ke a nyoloha mme a fepele madi. Hoba, e—e motso wa moriri o phediswa ke madi.

Mme jwale re fumana hore karolo eo, le a bona, ha ho letho ka nqane ho leihlo.

¹⁵³ Jwale a re fumaneng. “Lesedi le tla ba tjhaba” (ha e se e tla ba hara mpa ya motshehare?) “nakong ya mantsiboya!” Lesedi le romellwang? Le tle bone moo tsamayang teng... hore o tsamaya jwang. Na ho jwalo? Ho bona moo o leng teng. “Lesedi le tla tjhaba nakong ya mantsiboya.”

¹⁵⁴ Jwale, re qotsa seo jwale mme re se bapisa le Malakia 4 kwana. O tshepisitse hobane Lesedi le tla boela le tjhaba nakong ya mantsiboya, le a bona, “Hoba, bonang, Ke ya le romella moporofeta Elia, mme o tla busetsa bo—bo bana ho bontate, le bontate baneng,” (na ke nnete?) “Ke se tshohe ke e tla mme ka otla lefatshe ka thohako.”

¹⁵⁵ Jwale a re nkeng Johanne kapa... Mohalaledi Luka 17:30, mme re hlokomele seo Jesu a se porofetileng mono, ka ho re, “Jwaloka matsatsing a Sodoma, ho tla ba jwalo...”

Jwale hopolang, lemohang, mona ke mohla Mora motho a tla senolwa; ho senolwa ha Mora motho. Jwale, hantle-ntle Mora motho o ile a senolwa, metsotso e mmalwa feela mono, pejana feela Sodoma e tjheswa. Jwale, Monna eo e ne e le Elohim. E ne e le Modimo; mme Jesu ke Modimo. Mme Modimo o ile a senolwa hantle-ntle mono metsotso e mmalwa, ho bua le Abrahama, kahlolong e hlahllobang. Nakwana feela, Mora motho a senolwa; Mora motho, Elohim. Le a e bona, kereke? [Phutheho e re, “Amen.”—Mong.] Mora motho, Elohim, o ile a senolwa metsotso e mmalwa feela. Hoba, hona tsatsing le hlahlamang e ile ya tjheswa, (neneng?) pele letsatsi le ka tjhaba hape.

Ka baka leo ho ke ke ha hlola ho sala mokgatlo, le jwalo kgato e nngwe e hatelang pejana ho e ntseng e tswelapele hona jwale e ke ke ya ba teng, hoba o tla tjha le pele letsatsi le tjhaba hape. Tsoseletso e fedile, ho phatalla le setjhaba. Ditsoseletso tse kgolo, tse haolang ha di sa tla ba teng; setjhaba sena ha se e amohele. Le ka tshwara kgobokano ya mahlale. Empa, ke bolela, tsoseletso ya Moya, re e bone kaofela ha yona. Ke a tshepa le a e utlwisia. Ke e bolela ka mokgwa oo—oo ke tshepang hore le a e tshwara. Le a bona? E fedile.

Moruti ya kgabane o itse, nakwaneng e fetileng, ho re, “Moena Branham, hola feela nka fumana thabo ya Morena pelong ya ka!”

Ka re, “Mora, tsoseletso e fedile.” Le a bona?

¹⁵⁶ Jwale ditshetledi di kentswe sekepeng. Maqhubuhadi a tshabehang a teng ka ntle ka mona ka pela rona; empa re a tseba, ka nqane ho leqhubu leo feela, re atamela lebopo. Le a bona? Re ntse re atamela lebopo. Dulang le tsitsitse feela. Dulang Lentsweng feela. Dulang le Modimo. Ho sa tsottelehe kamoo le ikutlwang, seo ntho efe feela; dulang hantle feela le Lentswe. E ke e—e ke e—e ke e dule e tsitsitse, ha le bona maruhadi ana a kgale a re teetseng hare, le difefo di etla, le dibomo tsa athomo, le ntho ka nngwe eo ba buang ka yona. Empa tshetledi ya rona e kene ka hara Lentswe hantle. Modimo o itse e tla ba teng mona; re tla phunyeletsa le leng le leng la wona. Yeah, re tla di tlola hodima hantle. E, ehlile bo! Bao, ba ke ke ba re tebisa. Ba ke ke ba re qwedisa. Ha le re kenya lebitleng; re tla boela re tswa. Ke phetho se leng teng. Ha ho mokgwa lefatsheng wa ho e boloka ka tlase ka mono. Re tla phunyeletsa e nngwe le e nngwe ya tsona, hoba Molaodi wa rona e moholo wa Sehlooho o ntse a bitsa mose wane.

Re ankorile ho Jesu, ‘fefo tsa bophelo ke tla di
phutla;
Ke ankorile ho Jesu, ha ke tshabe moya kapa
leqhubu;

¹⁵⁷ E ka bang eng feela, e ka tla. Se ka tlang, se tlang, ha se etse phapang. Re ankorilwe hantle mono ka ho Jesu. Ha ke phela, ke phelela tlotsisong ya Modimo. Ha ke shwa, ke shwella tlotsiso ya Modimo. Ke—ke—ke feela ke batla feela ho...Ke bakeng sa tlotsiso ya Modimo, ke seo ke batlang ho se etsa. Hoba tseo tsohle di fete, ha ke batle ho dikadika nakwana e nngwe. Ke batla ho ya moo...moputsong waka oo A ntefeletseng wona; e sang seo ke se sebeleditseng, empa seo A ntheketseng sona, seo A mphileng sona ka mohau wa Hae.

¹⁵⁸ Ka baka leo re a bona hobane Masedi a mantsiboya a teng mona. Mme ho thusa'g ho ba le Lesedi, ha o se na mahlo a ho bona mokgwa wa ho tsamaya hara Lona? Lesedi la mantsiboya ke eng? Lesedi le a tjhaba, ho senola ntho e itseng. Na ho lokile? Ha ntho e le teng *mona*, eo o e phopholetsang mme o sa utlwisisise hore ke'ng, lefifing, kgantsha lesedi. Ke ho senola! Malakia 4 o loketse ho etsa'ng? Le a bona? Ho etsa ntho e tshwanang. Ho manollwa ha Ditiiso tse Supileng e ne e le ho etsa'ng, hohle moo mekgatlo ena ya diphuthheho e thekeselang hohle tabeng ena....? Ke ho senola, ho hotolla. Ha o se na mahlo, jwale molemo wa ho senola ke ofe? Eka kgona mahlo a be teng, pele, ho bona. Na ho jwalo? Ho senola Malakia 4, ho senola Mohalaledi Luka 17:30, Mohalaledi Johanne 14:12, hape le Johanne 15:24, 16:13. Mme hape le ho senola Tshenolo 10:1 ho ya ho 7, ho manollwa ha Ditiiso tse Supileng, le Molaetsa wa lengeloi la bosupa; ho manolla, ho senola, ha Masedi a mantsiboya a fihla. Jwale ha eba motho...

¹⁵⁹ Mongwaheng wa Laodisea, batho ba ne ba le (eng?) "feela." Na ba jwalo? "Foufetse." Lesedi le thusa motho ya foufetseng ka'ng? Ekare ha sefofu se tsamaisa sefofu, na ha di ke di wela selomong mmoho? "Feela, foufetse, mme ha ba tsebe." Esita le ditho tsa kelello ya bona di fedile, ditho tsa kelello ya bona ya moyo, kutlwisiso ya moyo. Le a bona?

"Bakaki, bahlalefi, ba ratang menate ya nama ho feta ho rata Modimo; ba se nang ho tshepeha, baetsleletsi, ba se nang ho itshwara, le ba nyatsang ba molemo; ba nang le setshwantsho sa borapedi, empa ba latola Matla a jona." Matla a tshenolo; ha ba dumele le ho yona. Le a bona? Ha ba dumele dinthong tse kang baporofeta. Mme ka baka leo ha ba dumele ho yona. Ba dumela hore—hore Malakia 4 e loketse ho ba kereke e itseng kapa mokgatlo o itseng.

Mohla a ne a fihla kgetlo la pele, e ne e le monna. Mohla a ne a fihla kgetlo la bobedi, ka karolo tse pedi, e ne e le monna. Mohla a ne a fihla ka sebopetho sa Johanne Mokolobetsi, e ne e le monna. Le a bona?

Matsatsing a ho qetela, mohla Masedi a mantsiboya a galang a tjhaba, mahlo a tla tutuboloha mme le tla bona moo le yang. Mehleng eo Mmele o se o bopilwe, o eme ka maoto a

wona, o nka kgato, o tsamaiswa ke Moya o Halalelang. Eng? Yena Ya tsamaileng hodima baporofeta ba ngotseng Bibele, wona Moya o Halalelang o tsamayang ka hara Mmele o tlatsitsweng ka Moya o Halalelang, ho tsamaya ka Moya o Halalelang, ho tswa mokgatlong ka mong, mofuta ka mong, puo, le batho.

¹⁶⁰ Mofumatsana mona, ha se setho sa mokgatlo wona, kapa mokgatlo wona...setho sa phutheho ena. O tswa kae-kae, mme o ile a kena hoseng hona, o tshwere setshwantsho mono. O ne a...o se file mora wa ka, ya neng a hloletswe haholo. Ha ke tsebe haeba a kile a utlwela ka Hona kapa tjhe. Ha ke tsebe. O ne a nkile setshwantsho sena sa Lengeloi lena la Morena se neng se le Mengwaheng ya Diphutheho tse Supileng, pulong ya Ditiiso tse Supileng, kantle mono, mohla e ne e hlaha. Ha thwe, ho hetla mono, mme a bona ntho eo e eme sebakeng, torong. Mme a hetla mono mme a bona ntho eo, a bona motho ya apereng bosweu, a hwanta a ya pele; mme ka mora yona, a re yaka e ne e le...A re, "Moena Branham, e ne e le wena." Mme a re, "O ile wa hwanta wa kena ka mono," ho re, "ka mora hao, e le batho ba mebala e fapaneng, ba nkile difolaga; Georgia, Alabama, dibaka tsohle tse fapaneng, ba hwanta ba ya pele," ba nyolohela hlohong moo Kreste a neng a senolwa teng ponong. Oh, alleluia!

¹⁶¹ Re matsatsing a qetelo, le dihoreng tsa ho qetela tsa matsatsi. Na le Mmona kahara Lentswe la Hae jwale, le hobane Lentswe la Hae lohle le bonahatswa hantle mona ka pela rona? Oh, Kereke ya Modimo o phelang, ema ka maoto a hao, o Mo dumele ka tsohle tse ka ho wena. O itshwarelle Lebiding leo le le nyenyane le mahareng a lebidi, Le ke le tiise kgato ka nngwe le motsamao ka mong o o etsang. Mohopolo ka mong oo o nang le wona, o ke o laolwe ke Tora ena e kahare ho wena. Hoba, Modimo o dutse hantle kahara Lentswe la Wona la hora ena, Leseding la mantsiboya, ho bonahatsa Lesedi.

¹⁶² Bofofu ba mankgane! Le ka kgantsha lesedi, mme mankgane—mankgane o ne a tla foufala hoo a sitwang ho fofa. Sephooko se hihitsang, tseo tsohle tse nanarang bosiu, le dintho tse kang tseo, maphele le dintho, ha di bone motshehare. Ha di tsebe letho ka lona. Ha di bone.

Mme Masedi a mantsiboya a tjhabile. Papiso e nngwe le e nngwe, hohle moo re yang teng, tlahong, Bibeleng, ho fihla—ho fihla ho difika tseo Melk—...seo Daniele a se boneng, le—le morena wa tsatsi leo, tseo bao bohole ba di boneng; le dintho tsena tsohle, motho e mong le e mong, sebopoho ka seng, kgato ka nngwe, sebaka ka seng Mmeleng, o re bontsha madulo a hora eo re phelang ho yona. Ha ho motsamao o mong o ka tlang ka hodima wona.

Ho bile le motsamao wa letsoho; lerato, Wesley. Ho bile le motsamao, wa motheo; Luther. Lerato, ntho e kgolo ho eo ha eso be teng; o ile wa bitswa motsamao wa Wesley. Ba romela baromuwa lefatsheng lohle. O mong wa metsamao e meholo ka ho feta o kileng wa etswa, mongwaheng o tileng pele ho moo.

Yaba ho latela mongwaha wa Pentekosta; yaba ho fihla menwana e fapaneng le dintho, mongwaha wa Pentekosta, wa dipuo, le nko, le dintho tse jwalo.

Jwale ke mahlong. Mahlo o a hlokelang, kapa lesedi o le hlokelang, ha mahlo ao a sa bone mono? Mahlo a lokela ho ba teng, pele, ho bona. Mme ereha ntho eo e fihla, O manolotse Ditiiso tse Supileng le ho senola Lesedi la mantsiboya, ho nka diphiri tsohle tseo esale di patwa mengwaheng ena ya kereke, le ho di senola jwale jwaloka ha A tshepisitse ho etsa ho Tshenolo 10:1 ho ya ho 7. Ke rona bana kajeno re dutse mahareng a Lentswe, mme Lentswe le senolelwa rona ke Jesu Kreste. Ha ho le jwalo, *Lena* ke Lentswe la Modimo.

¹⁶³ Mme ho ba bafo ba Hae, re tshwanela ho tsamaya haufi le Mongodi, ho Le utlwisia, hore Le tle le senole. “Oho Morena, O rata hore nna, ke etse’ng? Ha eba ke tshwanetse ho ya masimong le ho bolela Evangedi, kapa na ke tshwanetse ho dula hae? Seo e ka bang sona, ha eba ke tshwanetse ho ba mmalelapa ya lokileng, ha eba ke tshwanetse ho ba mme ya lokileng, ha eba ke tshwanetse ho etsa *sena, sane*, kapa *se seng*? Seo e ka bang sona, ha eba ke tshwanetse ho ba sehwai, ha eba ke... Seo e leng sona, Morena, O batla ke etse’ng?”

¹⁶⁴ Na hase seo Saule a se mekeditseeng tlase mono, “Morena, O batla ha ke etsa’ng?” A le tlase a ya ke... tseleng ya hae e theohang ho ya—ho ya hlahleha kereke yohle teronkong. Empa yaba o a hweletsa, “O batla ha ke etsa’ng?” Mohla Lesedi le tjhabileng, mohla Topallo e kgolo eo ya Mollo e lopaletseng hodima hae. “O batla ha ke etsa’ng?”

¹⁶⁵ Ho nahana, eo ke polelo e ntle e kwalang, mme a re, “Morena, O batla ha ke etsa’ng? Ha e le moo ke bona Lengolo lena le senolwa ka ho phethahala hakana hona jwale; Morena, O batla ha ke etsa’ng?”

A re inamiseng dihlooho tsa rona.

¹⁶⁶ Ke kopa e mong le e mong ka mona ho lekola dipelo tsa lona jwale mme le botse potso eo, “Morena, O batla ha ke etsa’ng?” Mme lona batho, ha eba le sa dutse dithapong tsa fonofono kantle kwana ho phatlalla le setjhaba, le inamise dihlooho tsa lona le botse, “Morena, O batla ha ke etsa’ng? Ha re ipona re fihlile mona matsatsing a qetelo le dihoreng tsa ho getela, ka ho phethahala feela ka pela rona, ho senolwa ka ho hlaka hona, O batla ha ke etsa’ng?”

¹⁶⁷ Modimo o ratehang, ere ba sa O botsa potso eo; ke a botsa, ka bona, ho Wena, O batla ha ke etsa'ng, Morena, ke a elellwa hore ho tla batlwa boikarabelo ba letsatsi ka leng. Mme ke rapela hore O tle o nthuse, Morena, ho phela letsatsi ka leng, hore le tle le ballwe tlotliso ya Hao le kganya.

Ke O rapela ho thusa e mong le e mong ho phatlalla le setjhaba, mme bao ba leng kahara tabernakele mona re sa lekola dipelo tsa rona mme re re, “Morena, O batla ha ke etsa'ng? Nka etsa'ng, Morena, ho ntshetsa Mmuso wa Hao le Tsela ya Hao pele?” Fana ka sena, Modimo.

Re lekole, dipelo tsa rona, mme o re leke. Ha bokgopo bo le teng ka ho rona, Morena, boitshepo bofe feela, merero efe feela kapa dipheo tse mpe, Oho Modimo, re hlatswe ka Madi a Mora wa Hao, Jesu Kreste, eo re amohelang pheko ya Hae ya lefu la Hae le tsoho ya Hae ka boikkokobetso. Le ho bewa ba lokileng ka ho dumela hore O entse sena, re amohela leano la pholoho eo O re fileng yona ka thabo, ho rona.

Ntate, re O leboha ka Molaetsa wa letsatsi, seo re se dumelang le seo re itshwarellang ka sona, ho tseba le ho dumela hobane ke Lentswe la Hao le Molaetsa wa Hao. Ha se ho fapano le batho ba bang, empa ho leka ho tshwana le Jesu Kreste E leng mohlala wa rona.

¹⁶⁸ Modimo o ratehang, mona ho robetse diduku, mme batho ba kulang ba dutse hohle. Mme nna ka bona, Morena, ke kgathetse mme ke fedile, hoseng hona. Ke O rapela ho re thusa, Modimo o ratehang. Re lebeletse matla a tswang ho Wena. Wena o Matla a rona. O se o thusitse ba bangata, Modimo o ratehang.

¹⁶⁹ Tsatsi le leng, ha ke ntse ke nahana tlase mono merung, ke potoloha hohle le Moena Banks Woods, mohla dingaka... Pelo ya hae e le mpe hona a batla a sa kgone ho tsamaya. Hape le ho nahana kamoo ke... ke batla ke sa tsebe hodimo mono, ke tsamaya dithabeng tseo ka mora pono eo, “Ke tshwanetse ho fumana tau eo. Ke tshwanetse ho bona tau eo e bolaiwe.”

Mme eitse ha ke fihla tlase mono, mme ke eme mono Tucson, Khefing ya Furr, mme ke bona diaparo tsa hae di sosobane di leketlile, mahlo a hae a nyahame. Ho re, “Modimo, ha O kgona ho hlahisa pono, moo tau e leng, ruri O ka bontsha mabapi le Moena Woods.”

Mme yaba e a fihla, “Bea matsoho a hao hodima hae.”

Mme ke enwa moo a leng teng kajeno, morao, Moena Banks wa rona hape, o matla, o mathela hodimo-le-tlase dithabeng tseo. Kamoo re O lebohang, Modimo o ratehang. Ho rona bohle o sa le Modimo o tshwanang le eo O ka bang yena ho Moena Woods. Ke a tseba hore O a mo rata, hoba ke mohlanka wa Hao, ya tshephalang mme o hlokolosi.

¹⁷⁰ Mme ke a rapela, Modimo o ratehang, hore O tle o sebetsane le e mong le e mong wa rona, le ho tshwarela dibe tsa rona, le ho fodisa malwetse a rona a mebele ya rona. Re bope re tshwane le Wena ho feta, letsatsi le letsatsi, Morena, re be re fihle tekano e tletseng ya Jesu Kreste. Fana ka sena, Morena. Ke tshepa hobane O lekotse pelo e nngwe le e nngwe, jwale, mme re tseba se loketseng ho etswa. Re O kopa ho re hlohonolofatsa jwale, Lebitsong la Jesu.

¹⁷¹ Mme ere re sa inamisitse dihlooho tsa rona, motho o teng mona, kapa kantle kwana—kwana lefatsheng la fonofono ho phatlalla le setjhaba, ya ka ratang jwalo feela, le sa rapela, le dihlooho tsa lona di inamisitswe, ho phahamisetsa letsoho la hao ho Modimo feela jwale. Ke phetho seo le ka se etsang; ho petetsane ka mona hoseng hona. Phahamisetsa letsoho la hao ho Modimo feela, ho re, “Modimo, ako mpope hore ke tshwane le Jesu ho feta. Ke—ke batla ho tshwana le Jesu ho feta.” Modimo a le hlohonolofatse. Kastle kwana naheng ho phatlalla le setjhaba, matsoho hohle feela, ke bongata bo opaneng feela. Hape, la ka le phahame. “Ke batla ho tshwana le Yena ho feta. Ntekole, Morena, mme o fumane ha eba bobo bo le teng ho nna; bo ntshe. Ke—ke batla . . .” Eng? Re mona nakwana feela, leha hole jwalo re tlil’o tsamaya e leng hore o . . . e leng hore, ho sa tsotelehe seo o leng sona, o ruile hakae, o futsanehile hakae, o motjha hakae, o tsofetse hakae.

¹⁷² Maobane ke ne ke eme le e—e bathwana, sehlotshwana sa batho ba futsanehileng hodimo kwana thabeng, tlase mono . . . hodimo letsheng. E le lelapanyana, monna eo ke neng ke ntse ke qoqa le yena ka Modimo, nako e telele. Ho theoha, mosadinyana wa hae, ka bana ba supileng kapa ba robedi; yena, seeshana, sa mothwana, kastle mono a leka ho sebetsa, didolara tse mmalwa ka letsatsi. Mme monna e mong a mo dumella ho dula kahara motlotlwana. Mme mosadi wa hae a le hodimo mane, a se a le makgatheng a ho fumana ngwana e mong, mme a nkile selepehadi se sephara hodimo mono, a ratha patsi, ho e theola; lesea le dutse nokeng e nngwe, a hula patsi ka le leng; ho theoha ho ratha patsi eo, ho ina menokotshwai e mmalwa, ho ba baballa tlaleng ya mariha. Ao, kamoo re ileng ra mo utlwela bohloko! Nna le Moena Woods ra ya mme ra nka teraka, mme ra nyolohela mono mme ra mo rathela patsi, mme ra e kenya. Yena, mosadinyana ya tletseng teboho, a eme mono feela. Ke ile ka mo utlwela bohloko. Mme ra nna ra ba rapella.

¹⁷³ Mme leseanyana la hae la tshwarwa ke sethwathwa. Ra tloha mme ra rapella leseanyana, mme Modimo wa le fodisa. Mme tsatsi le leng, monna wa hae a tshwarwa ke hernia, mme a kena . . .

Esale ke bua le yena. O ne a tsuba, bobedi ba bona. O ne a sebedisa kwaе, le monna, le yena, temalo ya batho ba

dithabeng. Mme ka nna ka bua le bona ka yona. Mme maobane hoseng ha ke kena, ha tsatsi le se tjhaba, ke enwa a tla a tswa, a phuthile matsoho a hae, mme a re, "Moena Billy, ke monna ya fetohileng." A re, "Ke tsubile sakrete sa ka sa ho qetela, mme ke eme lehlakoreng la Morena."

Mosadi a re, "Le nna, ke sa tswa tsuba sa ka sa ho qetella."

Oh, lema peo! "Nna Morena ke noseditse. Ke tla e nosetsa bosiu le motshehare, esere e mong a e utla matsohong a Ka."

¹⁷⁴ Oho Modimo, nkgauhele jwale, ke a rapela, mme o re fe takatso ya pelo tsa rona, hoba dipelong tsa rona re batla ho O sebeletsa. Jwale, Ntate, bohole ba matsohong a Hao, hohle. Ke bana ba Hao. Ba sebeletse ka mohau, Morena; e seng ka kahlolo, empa ka mohau. Re kopa Lebitsong la Jesu. Amen.

¹⁷⁵ Le a Mo rata? [Phutheho e re, "Amen."—Mong.] Pelo tsa lona tsohle! Jwale, lona ba tshwereng disakatuku, le ka di ntsha.

Mme jwale, ditshebeletso tsa rona, ke nahana hore di qala hoseng-nyana, hora ya bosupa, kapa ntho e kang eo. Moena Neville o tla e tsebisa, motsotsong feela, mabapi le hore ho qalwe neng.

Na kolobetso e teng, ke a kgolwa, hoseng hoo? [Moena Neville o re, "Metsi a lokile."—Mong.] Metsi a lokile, ha motho a le teng mona mme a eso kolobetswe ka Lebitso la Morena wa rona Jesu Kreste, kgele, ruri ke... Metsi a loketse tshebeletso ya kolobetso.

¹⁷⁶ Re ananela baena bohole ba baruti. Ke bona Moena... Kopano ya hao e tsamaile jwang, e tsamaile hantle, Moena Parnell? Le Moena Martin, le, oh, ba bangata hakana ba bona mona, Moena Lee Vayle. Oh, ho na le baruti hoohole ka mohahong. Ruri re ananela boteng ba lona mona, le ho tshwara kopano ya bolekane re teetse Lentswe hare.

¹⁷⁷ Le ka tshwana le sa dumellane le nna hantle tabeng Ena; ha ke le kope ho etsa jwalo, le a bona. Ntho feela, le mpe le E nahaniise. Seo le mpolellang sona, ke ye ke se nahaniise. Ha baruti ba ka tshwana ba nka teipi, mme ba re, "Be, ha ke dumellane le yona." Ho itoketse, moena ka. Mohlomong o alosa dinku tse itseng; o—o di fepe seo o batlang ho di fepa sona.

Ke leka ka bokgabane ba ka ho tsepama Lentsweng hantle, molemong wa tsena tse beilweng matsohong a ka ho Modimo, hoba dinku di batla dijo tsa dinku, ehlide. "Dinku tsa Ka di utlwa Lentswe la Ka." Mme ke seo re phelang ka sona, Lentswe le leng le le leng le tswang... E seng wohle... E seng feela Lentswe jwale le neneng; empa Lentswe le leng le le leng le tswang molomong wa Modimo, ke sona seo badumedi ba tshwanetseng ho phela ka sona.

Jwale a re emeng ka maoto a rona. Re sa inamisa dihloho tsa rona . . .

Mme Moena Neville, o na le seo o batlang ho ba bolella sona? [Moena Neville o re, "Tjhe."—Mong.] Moena Mann? Ho lokile.

Motho e mong le e mong o thabile? Ho re, "Amen." [Phutheho e re, "Amen."—Mong.] Ho lokile.

Jwale a re inamiseng dihlooho tsa rona.

Ke tla kopa Moena Lee Vayle haeba a ka nyolohela kwano, kapa ha a kgona. Ha o ka kgona ho tla kwano, Moena Vayle, ha o ka kgona.

Moena Vayle ke moena wa rona mona, mongodi wa dibuka. Mme o ntse a lokisa buka jwale, *Mengwaha E Supileng Ya Kereke*, mme o sebetsana le *Ditiiso Tse Supileng*. Mme re tshepile ho di ntsha kapele ruri. Ho lokile. Moena Lee Vayle.

Modimo a o hlohonolofatse.



KRESTE O SENOTSWE LENTSWENG LA HAE KA SEBELE SST65-0822M
 (Christ Is Revealed In His Own Word)

Molaetsa wona, ka Moena William Marrion Branham, o rerilwe sethatong ka Senyesemane hoseng a Sontaha, Phato 22, 1965, Tabernakeleng ya Branham e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 P.O. Box 178, SOMERSET WEST, 7129 CAPE PROVINCE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org